The image shows the front cover of an old, worn book. The cover is decorated with a marbled paper pattern, featuring a complex, organic, and somewhat chaotic design of brown, tan, and cream-colored veins and blotches against a dark, almost black background. The spine of the book, visible on the left, is bound in a dark, textured material, possibly leather or cloth, which shows signs of age and wear. A small, rectangular white label is affixed to the bottom left corner of the cover. The label is divided into two sections by a horizontal line. The top section contains the handwritten number '891.99' in blue ink. The bottom section contains the handwritten number '7-33' in blue ink. The overall appearance is that of a well-used, antique volume.

891.99

7-33

2.11.1

ПЕРЕПЛЕТНАЯ
МАСТЕРСКАЯ

А. М. Мирзаханлицъ

9-25

Инд. № 6095

Мирзаханлицъ. У.
Земельно

БЕРЕГИТЕ КНИГУ!

ОНА СЛУЖИТ НЕ ОДНОМУ, А МНОГИМ.

Возвращайте книгу в срок, чтобы и другие могли воспользоваться ею.

Мирзаханлицъ
УФ-м 6921-57

10 NOV 2011

ՀՐԱՏԱՐԱԿՈՒԹԻՒՆ Պ. ՊԱՆԵՅ ԳՐԱՏԱՆ



№ ~~6095~~

ՍՈՒՐԷՆ ՊԱՐԹԵՐԵՆՆ

Պ-25

14019

Հ Ա Յ ՈՒ Հ Ի Ն

504

Handwritten signature

Центральная биб-ка и т. Ленинна

гор. Баку

ИНВЕНТАРИЗАЦИЯ 1936 г.

№

Կ. ՊԱՆԵՅ

ԳՐԱՏԱՆԻ Պ. ՊԱՆԵՅ

1911

ՏՊԱՐԱՆ ԵՒ ԿԱԶՄԱՏՈՒՆ

Օ. ԱՐԶՈՒՄՅԱՆ

№ 63

Դ. Ի.

3/

18.07.2013

49878
3467

2100



2818
41

Քեզի,
Հայրենի,
Տառապանքի գերմարդկային խայտառիկ
կը ձօնեմ
եղերական քո նստեհեղ ներշնչում
այս դրուագները

Ս. Պ.

U U 3 P O



Ս Ա Յ Ք Օ



խ մինակ, աշնան եղերական վեր-
ջալոյսին մէջէն, Նփրատի եղերքն
ի վար կ'երթար Սայքօ, մտածկոտ
ու ցաւագին:

Անոր կտրիճ հասակը հագիւ կը տարուէր
իր տաժանքոտ քայլերէն, և հպարտ ու խռո-
վիչ լանջքը, կսկիծէն աւելի ուռած, հա-
սունցած՝ լաջակին տակ կ'ելլար կ'իջնար,
փոթորկոտ կոհակի մը պէս որ ներսէն փր-
փրրար:

Հեռուն, գետին անդիւի կողմը տարած-
ուող անսահման դաշտին ծայրը, արիւնա-
զանգ արեւը կը թաղուէր, ու իրիկուան
սառերները թափանցիկ պատանքներով կը
պարուրէին հորիզոնը դիակնային:

Մթազնող միջոցին մէջ, մէկէն, մերձա-
կայ եկեղեցիին զանգակը սկսաւ հնչել մեղ-

մօրէն , վեհերոտօրէն , սուղի ու աղօթքի ձայնի մը հանգոյն , որ կուլար գիւղին վրայ , և որ կ'երթար մեռնիլ այլոր , աւելի հեռուն , իրիկուան անհուն ու անկարեկիր խաղաղութեանը մէջ :

Սայքօ կանգ առաւ ջուրէն քանի մը քայլ անդին , ու ծանրօրէն կ'աժնեցաւ մենաւոր քարի մը , որ կը մատուցուէր հոտ իր մարմնոյն յոգնալքումին , հողէն իրեն նետուող ըղձանքի ցայտքի մը թափովը :

Այն պահն էր ուր գիւղացիները իրենց արտերէն տուն կը դառնային , ուր ամէն կեանք կը փակուէր ու կը լռէր , և ուր՝ խնամքով նիգուած դռներուն ետին՝ եղկելի էակներ իրարու քով կու գային ու կը կրծկրտէին Վտանգին անդոհական սպասմանը մէջ , մինչ դուրսը անկուշտ Ոճիրը կ'արթըննար , աչքերը կը շփէր , ու վերստին ձեռք կ'առնէր իր կոյր ու կործանիչ դնացքը խաւարամած Հայաստանին մէջէն :

Քիչ յետոյ գիշերը պիտի ամայանար , և մթութիւնը հետզհետէ թանձրանալով պիտի յաճախուէր դաժան ու ահաւոր ձեւերէ . . . : Բայց Սայքօ դեռ կը յամենար հոն , անտարբեր՝ մօտեցող Արհաւիրքին , անշարժ , իր յուսահատութեանը մէջ ծառայած , և իր աչ-

քերուն լուսապայծառ սեւութիւնը խելայեղօրէն յառած՝ եփրատի մութ վաղքին վրայ :

* *

Գիւղին է՛ն աղուոր աղջիկն էր Սայքօ : Վայրի առատ գեղեցկութիւն մը , որուն հրաշալի ստեղծագործումին մասնակցեցան երկար , տարփոտ ու արգաւանդ գիրկընդխառնումի մը մէջ՝ շրջակայ բնութեան բոլոր յաւիտենական գեղեցկութիւնները : Լեռներու մայրական շուքին մէջ , հեշտալիօրէն , զրեթէ աւամայ , բարձրացաւ Սայքօին հասակը , նուրբ ու առոյգ միանգամայն : Գետին հեշտամուլ ալիքները , հազարումէկ գգուանքներով , փութացուցին հրաշակերտումը իր ակնապարար մարմնոյն : Գաշտերը իրենց սըխրալի ծաղիկներուն խնկաբոյր ժպիտը հոսեցուցին անոր աչքերուն խորը : Ու երգող անտառին բոլոր ներդաշնակութիւններուն մէջ , Սայքօին մազերը՝ անոր ծոծրակին ճերմակութենէն խենթեցած՝ անոր կաթնաթոյր ազդրին հասնիլ տենչայցին , ու մինչև անոր ոտքերուն դարչապարները համբուրելու իջան :

Տասնըջորս տարեկան՝ արդէն կին մըն էր Սայքօ , զմայլելիօրէն կանխահաս կին մը , որ գիւղին տղաքներուն քունը վրդովող յաճա-

խանքն էր այլևս , և որուն ետեւէն , ճամբաներուն վրայ , տարէցներն անգամ գլուխնին կը դարձնէին , ամբարիշտ ու անդիմադրելի մղումով մը , հետեւելու համար պահ մը կշռաւոր ու սարսուտու երերմանը անոր աննման շրջադժերուն ու մանկամարդ դիցուհիի անոր դանդաղ ու տիրական քալուածքին :

**

Չարաշուք օր մը սակայն , Սայքօին հառաչողներու թուոյն վրայ աւելցաւ վայրագ հիացող մըն ալ : Ու Սայքօին աստղը մարեցաւ այն դիշեր :

Երիտասարդ Քիւրտ պէյ մը իր ձիաւորներով գիւղէն անցած ատեն տեսաւ Սայքօն , որ՝ կուժ մը կուշտին՝ աղբիւր կ'երթար : Հասան իր ձին կեցուց , իր հետեւորդներուն ալ հրամայեց կանգ առնել , ու քանի մը վայրկեան , սահմուկած ու յայրատ նայուածքով մը , Սայքօին ետեւէն նայեցաւ : Յետոյ ճամբան շարունակեց :

Ուր բան մը չկրցաւ Քիւրտին մտքէն հանել Սայքօն : Հասան՝ այն իրիկուն , վրանը մտաւ , նեղսիրտ ու խոժոռ , և իր բոլոր դեռատի կիներուն փութկոտ ու անձնամատոյց

գգուանքները ետ հրեց : Կռնակը անոնց դարձուց ու քնանալ փորձեց : Բայց իր աչքերը յամառեցան բաց մնալ , ու անոնց առջեւ տնկուեցաւ շարունակ Սայքօին զրդուիչ պատկերը :

Հասան ժամերով անկողնին մէջ ջղաձգօրէն տապլտկեցաւ , ցանկութեանը մուրցքէն հրդեհուած , ու յագեցումին յապաղումէն կատաղած . մինչ անկիւնը , ստուերին մէջ , իր ողբալի կիները , քով քովի ծունդի եկած , կը լռէին , շուարումէ , վախէ ու տենչանքէ հեւասպառ :

Բարձերուն պլլուած , անոնց վրայ թալթլելով , Քիւրտը պուշտաց քանի մը անգամ .

— Հայուն աղուոր աղջիկը պէտք է ինձի . . .

Իր տիրական գոհացումին մէջ արգելք ու պատուար չճանչցող կիրքին մուրեղին կազկանձիւնն էր ատ : Ու աչքերը տուփանքով արինտտած , իր հարէմին աղաչաւոր մերկութեանը առջեւ , երկարօրէն թօթուրտալէ , կառչելէ , դալարուելէ ետք՝ թմրեցաւ ինկաւ Քիւրտը՝ Սայքօի խենթեցնող մտածումին տակ ջախջախուած :

Յաջորդ օրը , Հասանի առաջին գործը եղաւ Սայքօն առեւանգելու միջոցները ձեռք առնել : Նենգ ու խորամանկ ջատուկներ զըր-

կեց Սայքօին գիւղը , անոր վրայով տեղեկանալու , և՛ եթէ հնար էր՝ զայն թակարդի մէջ որսալու համար : Բայց երբ այդ կերպով իր նպատակին հասնելու անկարելիութեանը համոզուեցաւ , Հասան վճռեց իր ընելիքը :

Գիշեր մը , խուճապի ու անձկութեան գիշեր , Քիւրա պէյը՝ իր սպառազէն ձիաւորներով՝ Սայքօի գիւղին վրայ ինկաւ , արհաւիրքի ուրականի մը պէս :

Իռները մեծաշառաչ բացուեցան խորտակուած , և յուսահատութեան ու զառանցանքի վիթխարի վայնասուն մը տանիքներէն պոռթկալով գիշերին ամայի մթութիւնը լեցուց :

Սղէտի այս մըրիկը ժամ մը միայն տեւեց : Երբ սարսափի ու քայքայման աղաղակները դադրեցան , անոնց վրայ լիջող մահասարսուռ լութեան մէջէն , հեռուէն , գիւղին բացերէն , Քիւրա ձիաւորներուն քառատրոփ վազքը լսուեցաւ , և անոր հետ՝ երիտասարդ աղջկան ոգեսպառ ու աղիողորմ ձայներ , որոնք օգնութիւն կը պոռային :

Հասան՝ Սայքօին տիրանալու անհամբեր՝ չէր ուզած յամենալ կողոպուտի ու աւերումի աւելորդ շահատակութիւններու մէջ : Ան թող

տուեր էր իր հետեւորդներուն որ իրենց համար ալ մէյմէկ աղջիկ յափշտակեն , և հիմայ՝ կիսամերկ Սոյքօն իր կուրծքին սեղմած՝ անոր թարմ միսին հոտէն ու հպումէն դողահար՝ դէպի վրանը կը շտապէր հեւի հեւ :

Հոն կոյս վագրի մը պէս մաքառեցաւ Սայքօ՝ Հասանի կոյր տուփանքին դէմ : Քիւրաը զայն միայնակ ընկճել չկրնալուն զայրացած՝ հրամայեց իր կիներուն որ դանօգնեն իրեն Սայքօն զգեանելու : Քրդուհիները՝ զրկուած էգի իրենց բաղձանքին ու ամուսնի արժանապատուութեանը մէջ խոշտանգուած՝ համակերպեցան սակայն իրենց տիրոջ անտեղիտալի հրամանին : Նախանձով ու սրտմտութեամբ սարսուղին՝ մօտեցան անոնք Սայքօին , լերան աղջիկի իրենց ամբողջ կորովը թափեցին զայն անկողնին վրայ տարածելու համար , ու իրենց հուժկու դաստակներովը անոր ուսերէն ու սրունքներէն բռնած , ու գլուխնին ետեւ դարձուցած՝ ներկայ եղան Սայքօի իրենց արուէն լլկումին :

Սայքօ՝ Հասանի հրակէզ ու լորձնուտ համբոյրին տակ՝ ընդ երկար գալարուելէ , գիմագրելէ , աղերսելէ ու հեծկլտալէ ետք ,

անզգալարար աչքերը գոցեց զարշումի ու հեշտանքի տարօրինակ թմրութեան մը մէջ խորտակուած, անէացած : Անտառին զգայնօտ ու արգաւանդ կուսութեանը մէջ բորենիին դժխեմ ոռնոցէն արձագանգուող հրաշալի դաշնակութիւններուն պէս՝ Սայքօին կենսա-յեղց միսին մէջ այդ պիղծ հպումը կարծես բռնաւոր սարսուռը արթնցուցեր էր ակամայ այլ անճողոպրելի բեղմնաւորումներուն :

Սայքօ, զգայազիրկ, կռնակի վրայ փռուեր մնացեր էր արիւնլուայ անկողնին մէջ : Քրդուհիները արդէն հեռացեր էին վրանէն, ու Հասան՝ անդորրած՝ անկիւն մը երկնցեր իր չուպուխը կը ծխէր ու իր զոհին դարձած՝ կարծես անոր ձիւնեղէն ու հրաշագեղ մերկութիւնը կը խմէր, կ'ըմբոյշխներ հիմայ, զմայլանքի ու յագեցումի կարմիր, տամուկ նայուածքով մը :

* *

Հասան երկու ամիս Սայքօն վայելելէն ետք, օր մը, գիւղին ճամբան առաջնորդեց զայն ու անոր ընկերուհիները, և թողուց որ ամէնքը մէկ տուներնին դառնան :

— Գացէ՛ք, կեալուրի աղջիկներ՝, գացէ՛ք, առանց ետեւնիդ նայելու . . .

Հայուհիները, իրիկուան դէմ, գիւղ մը-տան երամով, գունաթափ ու լալագին :

Ձոհի ու յանցաւորի երեւոյթով մը գըլ-խահակ՝ կուգային իրարու ետեւէ, իրենց սպաննուած կուսութեան սգակիր ու յուղարկաւոր :

Սայքօ առջեւէն կ'երթար, սակայն, դա-ժան ու սքանչելի, իր բաղդակից քոյրերուն համակերպութեան մէջէն՝ ընդվզումի ու վրէժի դրօշակիր իր հոյակապ գլուխը վեր բռնած :

Առեւանգուածներուն այս անակնկալ վե-րադարձը մեծ իրարանցում յառաջ բերաւ գիւղին մէջ : Տուներէն դուրս թափեցան գիւղացիները, ուրախութեան աղաղակներով ու գոհաբանական օրհնէնքներով : Ու խան-դակիր գիրկընդխառնումներու մէջ արցունքի հեղեղներ թափեցան՝ մաքրագործելու համար կարծես պղծումը, որուն ենթար-կուեր էին այդ հէգ անպաշտպան աղջիկները :

Անմիջապէս, գիւղին ամուրի երիտա-սարդներէն շատեր փութացին կնութեան առնել կուսազրկուած այդ դժբաղդները, և տէրաէրը աճապարեց մէկ օրուան մէջ օրհ-նել ամբողջ շարքը այդ սգաւոր հարսնիք-ներուն :

28/8
41



Բայց Սայքօ չուզեց ընդունիլ իրեն եղած ամուսնական առաջարկը : Ռէս Մարգարին տղան էր իր թեկնածուն , ու Սայքօին սահմակեցուցիչ մերժումը գիւղացիներուն մէջ դայթակղութեան մը համեմատութիւնները սկսաւ առնել :

Ի զուր իր ծնողքն ու մերձաւորները միացան զայն համոզելու , ի զուր անոր աչքը խոթել ջանացին օրինակը միւսներուն , որոնք կարգուեր , տուն տեղ եղեր էին արգէն :

Սայքօ անդրդուելի կը մնար իր որոշումին մէջ , ու իրենները , խեղագարած նկատելով զինքը , գրեթէ յուսահատեր , ձեռք քաշեր էին իրմէ :

Եւ հիմայ , ամիսէ մը ի վեր , ամէն իրիկուն , Եփրատի եզերքը կու գար Սայքօ , իր ցաւը գրկած , գիւղին ճնշող մթնոլորտէն և իրեններուն նեղացուցիչ մխիթարանքներէն հեռանալու , թեթեւնալու պէտքէ մը մըլուած , ու քիչ մըն ալ , կարծես , վտանգաւոր փորձութենէ մը քշուած , տարուած դէպի գետը :

Քիւրտ պէյլին վրանէն դառնալէն յետոյ , չես գիտեր ի՞նչ յոգնած ու վրդովիչ կերպարանք մը առեր էր Սայքօին գեղեցիկութիւնը : Տարօրինակ դպկութիւն մը փեթըն-

տեր էր վարդերը իր կայտառ դէմքին , և յուզիչ անուշութեան , պաշտելի դառնութեան շնորհ մը գրեր էր անոր վրայ :

Սայքօ , երբեմն , սովորականէն աւելի մնայլ կը թուեր ըլլալ ու ջղագրգիւ : Հըրավառ աչքերը հորիզոնին սեւեռած՝ տենդոտ շարժումներ կ'ընէր ան , կարծես միջոցին մէջ աներեւոյթ էակի մը դէմ մաքառելով : Եւ , յանկարծ , զայրոյթի ու յուսահատութեան ճիչ մը կ'արձակէր .

— Ա՛խ , շա՛ն որդի . . . ա՛խ . . .

Ու բռունցքի կատաղի հարուած մը կը սպառնար փորին . . . Հոն էր ա՛ն , ֆուրդ Հասանին զաւակը , Սայքօին որովայնին բռնի բնակիչը , որ իր դժնդակ գոյութիւնը կ'ազդարարէր անգիտակից ու անողոք խըլըրտումներով :

— Ա՛խ , շան որդի , շա՛ն որդի , կը հեծկըլտար Սայքօ :

Ու՛ խեղայեղ՝ ակամայ մայրութեան իր իսկ կրած դժոխային բանտէն ազատելու ունայն գահալիժումով մը՝ կը սկսէր վազել գետեզերքն ի վար :

*
*
*

Սայքօին յղութիւնը գիւղին մէջ իմացուեցաւ : Ա՛լ անհանդուրժելի դայթակղու-

Թիւն մըն էր ասիկա : Պէտք էր Սայքօն ամուսնացնել անպատճա՛ռ : Միւս լիւրած հարսերուն վաղահաս երկունքը ոչ մէկուն համար գաղտնիք մըն էր , բայց անոնց անհարազատ մայրութիւնը նուիրագործուեր էր եկեղեցիին սուրբ միջնորդութեամբը : Գեղջուկ բարեպաշտութիւնը այսքանով կը գոհանար , և անոր համար քսամնելի բան մը չունէր ցեղին արիւնը բռնաբարող պատուաստը : Անոնք չէին հասկնար Սայքօին տուայտանքը , անոր անձկոտ խուսափումը ամէն մարդը հպումէ ու համբոյրէ՝ երբ իր էութեան խորը կառչած , իր կեանքը խմելով կը կշտանար , կը գինովնար , կը շարունակուէր Գիւրտին նախատինքը :

Նորէն ամէն միջոց գործ դրին Սայքօն համոզելու համար : Ռէս Մարգարի բարեմիտ աղան , Գէվօն , կը հաւանէր իրո՞ն նկատելու , ընդունելու Հասանի փիւճը :

Եւ այս անգամ անուշ , ողորջիշ , համոզիչ խօսքերով չքաւականացան . բարոյական ճընշումներուն՝ բռունցքի բիրտ հարուածներ ալ յաջորդեցին Սայքօի քնքուշ կուրծքին ու ու քամակին վրայ : Բայց ան , աննկատ , կը յամառէր տակաւին , իր նախատուած միտին մէջ ըմբոստացած , և իրեններուն կամքին

համակերպելու անկարողութենէն նահատակուած :

Այն ատեն , գիւղին տէրտէրը ժամ տալու Սայքօն , գիշեր մը , ու խորանին առջեւ պլպլացող դեղին կանթեղին տակ , հանգիստաւոր ու խուպոտ ձայնով մը ըսաւ անոր .

— Սայքօ՛ , աղջի՛կս , գիտցած ըլլաս որ դժո՛խք պիտի երթաս , էրի՛ս միկիս յաւիտեան , եթէ՛ չկարգուած՝ զաւակ բերես . . .

Սայքօ՛ իր գործելիք մեղքին ահագնութենէն սարսափած՝ հաւանութեան խօսք տուաւ տէրտէրին , որ յաջորդ օրն իսկ պսակեց զայն Ռէսին տղուն հետ :

*
**

Չմեռը շատոնց անցեր , գարունն էր հիմայ : Դաշտերն ու ծամակները ծաղկեր , ծածկուեր էին խօլ կենսալիր բուսականութեամբ մը : Շրջակայ պուրակներուն հըրճուանքին դարձող թռչունները իրարու խելք կը թռցնէին իրենց երգերուն տարփական մոլեգնութիւնովը : Բարի մայրական գետը լայնցեր , աճեր էր նորէն , ու խայտալէն , վէտլէտալէն կը թաւալէր , կ'երթար , կեանք բաշխելով հայրենի հողին :

Գետը , մթնոլորտին պայծառութեանը

մէջ խնդումներես , հին օրերու իր թոյլ ու երջանիկ խաղաղութիւնը կ'ապրէր , երեժտուկարով , որոճարով ու փառք տալով Աստուծոյ : Հեռօն , լեռներէն ու հորիզոններէն անդին ցրցքնուած ուրիշ հայ գիւղերէ ու քաղաքներէ անդադար բարձրացող քանդումի ու խողխողման դժխեմ աղմուկը մինչև հող չէր հասներ :

Իեռ տարի մը չէր սահած Քիւրտ Հասանին չարաշուք անցքէն ի վեր , և արդէն գիւղին մէջ գրեթէ մոռցուած էր դժնդակ դէպքը : Իտրաւոր ստրկացումի մը մէջ ծնած , լուծ այդ էակներուն համար ըմբոստացումը — նոյն իսկ ունայն ու անկարող — չգուշակուած զգացում մըն էր : Ու Քիւրտերէն մայրացած նոր հարսերը՝ ժպիտը գէմքերնուն վրայ՝ իրենց էրիկներուն կ'երկնցնէին նորածինները , որպէս զի համբուրեն զանոնք հայրական հողելին գուրգուրանքներով :

Իսկ Սայքօն . . . Չէ՛ , անիկա չէր մոռցած : Ռէտին տղուն հետ ամուսնանալէն ի վեր բան մը չէր փոխուած իր փոթորկած հողին մէջ , ուր իր անպատուուած կուտութեան վրէժը չէր դադարեր որոտալէ , միշտ աւելի բուռն , միշտ աւելի դաժան ու այլամերժ :

Երկար ու տաժանելի յղութիւն մը եղեր էր Սայքօնը : Անիկա գետեղերը կը թափառէր , շատ անգամ , մաղերը հովերէն ալեկոծ , աչքերը խորը ու մուր , ինքզինքէն փախչելու , հեռանալու անկարելի փափաքներով :

Հակառակ իրեններուն կողմէ թափուած սրտացու ջանքերուն՝ զինքը հանդարտեցնելու , և իրեն մոռցնել տալու համար աղէտին հալածող յիշատակը , անիկա չէր կրնար հաշտուիլ իր պիղծ մայրութեան զաղափարին հետ :

Իրեն անանկ կու գար , երբեմն , որ հետապինդ ու դժպէի ճակատագրականութեան մը կոյր քմայքովը՝ մանչ մը պիտի ըլլար իր ծնելիքը , ու Սայքօ ինքզինքը կ'ուտէր մտածելէն՝ թէ իր փորէն անցած , իր արիւնովը ու կաթովը սնած այդ Քիւրտի կտորը , օր մը , հայ աղջկան մը ձեռքէն բռնելով՝ սուրբ խորանին առջեւ պիտի ելլար , ու ժամուն հաճութեամբն ու տէրտէրին օրհնէնքովը՝ պիտի պղծէր զայն , ու պիտի յաւերժացնէր Հասանին ոճիրը Հայուն արգանդին մէջ :

Չէ՛ , անհնարին մայրութիւն մըն էր ասիկա , որուն անարգ ու անճողպրելի հարկադրութեան դէմ Սայքօի վայրի , մաքուր

ու անընտել հոգին կը ծառանար, դաժան
ու սպառնագին :

Ու ահաւոր օրը կը մօտենար :

*
**

Փոթորիկը գիւղին վրայ իր մոլեգնու-
թիւնը կը թոթուէր : Այսահար հով մը ան-
տառին ծառերը կը գալարէր, իր վիթխարի
անձկութիւնը փչելով անոնց զահանդական
շուարումին մէջ : Լեռնակուտակ թխպոտ ամ-
պեր, երկինքին վրայ հալածական, դէպի
անծանօթ ու հիւրընկալ հորիզոններ կ'աբ-
սորուէին՝ կարծես խուճապական շտապով մը :
Գետը, իր հանդարտ վազքին մէջ յանկար-
ծակիի եկած, կը փրփրար ու կ'ալէտան-
ջուէր :

Ամէն էակ ապաստանած էր անկիւն մը
կամ երգիւքի մը տակ :

Կին մը, միս մինակ, փոթորկին մէջ
դուրս եկեր էր, ու ծանր ու դժուար քայ-
լերով կը յառաջանար դետեղերքն ի վար :

Սայքօն էր որ, տղաբերքի ազգարար
ցաւերը զգալով, առանց մէկուն բան ըսելու
և մէկէն նշմարուելու, դուրս վազեր էր տու-
նէն ու հող կը քաշկուտուէր հիմայ, դեփ

դեղին և ուժասպառ, իր գաղտնի ու ահա-
ւոր որոշումին մէջ գերապրկուած :

Անոր աչքերը կը մթննային կամաց կա-
մաց, ու գերագոյն ճիգի մը մէջ խորտակ-
ուած, ա՛լ քալելու անկարող, Սայքօ ինկաւ,
տախտապարեցաւ հող, թաց հողին վրայ :

Ծննդական վերջին գալարումներն էին,
ու Սայքօ զգաց իր արգանդին բացուիլն ու
անկէ Գիւրտին դուրս ելլելը :

Ոյն ատեն, Սայքօ, իր ինը ամիս կրած
նախատինքին բեռէն հազիւ թեթեւցած, աչ-
քերը գոցեց զայն տեսած չըլլալու համար
երբեք, և իր կլթոտ սրունքներուն վրայ տա-
ժանագինօրէն կանգնելով, իր արիւնին մէջ
լողացող միսի կէտրը փնտռեց ոտքին ծայրո-
վը, ու՛ միշտ աչքերը գոց՝ ամբողջ ցեղի մը
արիւնին վրէժովը զօրապնդուած՝ խելայեղօ-
րէն, վայրագօրէն կոխկուտեց զայն և իր առ-
ջեւ զանգուած արիւնի ու տիղմի քստմնելի
կոյտին վրայ կատաղօրէն պռուաց .

— Սատկէ՛, սատկէ՛, շա՛ն զաւակ . . .



ԱՐԻԻՆԻՆ ՅԱՃԱԽԱՆՔԸ

ԱՐԻԻՆԻՆ ՅԱՃԱԽԱՆՔԸ



Տճական քաղաքին վայելքի մոլեգ-
նութեանը մէջ մեր պանդուխտի
հոգիներուն վերաւոր որբութիւնը
պտտցնելէ յոգնած՝ ուզեցինք տուներնիս
քաշուիլ :

Պուլվառին, գինով ու վայրագ ժխորէն
հեռացած էինք արդէն, երբ բարեկամս՝ կանգ
առնելով՝

— Դեռ կէս գիշեր չկայ, ըսաւ, եկուր
ինձի երթանք, թէյ մը կը շինենք ու քիչ
մըն ալ կը խօսինք . . .

Ձլատուած՝ միս մինակ տուն դառնալու
գաղափարէն՝ փութով ընդունեցայ իր հրա-
ւերը ու մեքենաբար հետեւեցայ իրեն :

Հինաւուրց տան մը ներսը, մութին մէջ
գալարուն տաժանելի սանդուխէ մը վեց յարկ
մագլցելէ վերջը՝ բարեկամիս բնակարանը
մտանք :

Տանիքին տակ կծկտած պզտիկ, արտում մանևարս մըն էր որուն գրեթէ կէսը կը բռնէր երկաթէ անկողինը: Երկու հիւանդկախ աթոռներ, գիրքերով ու թուղթերով բռննաւորուած սեղան մը, ու եռոտանի ճրգճիմ շալխայօ մը կ'ամբողջացնէին սենեակին կահաւորումը ու անկարելի կ'ընէին հող ու է անզգոյշ շարժում: Ծուռումուռ մոխրագոյն պատերուն ծերութենէ թափող մորթին վրայ այլանդակ հակադրութիւն մը շեշտող պատկերներէ՝ կնկան խօլ մերկութիւններ իրենց անառակ ու յաղթական երիտասարդութիւնը կը պարէին:

Բարեկամս թէյին պատրաստութեամբը դբաղած էր, երբ շրմիկներն վրայ՝ վրդովիչ նայուածքով աղջկան մը լուսանկարը ուշադրութիւնս գրաւեց:

—Ո՞վ է այս աղջիկը, հարցոցի շահագրգռուած:

Բարեկամս, մէկէն, տարօրինակ կերպարանքով մը դարձաւ, ու լուռ, ինծի նայեցաւ վայրկեան մը: Յետոյ, յուզուած ու ծանր շեշտով մը՝

—Կ'ուզե՞ս գիտնալ թէ ո՞վ է աղ աղջիկը... Կեցի՛ր սա թէյը ըլլայ, ան ատեն կ'ըսեմ քեզի...

Երբ թէյը լմնցաւ, բարեկամս, անկողինն վրայ երկնցած, սիլառէթ մը վառեց և սկսաւ պատմել:

—Հինգ տարի է անկէ ի վեր: Մտքիս մէջ պահած եմ, ցաւագին ու միշտ ներոյժ, յիշատակը այն ամառ օրուան, ուր արեւոտ դաշտերու մէջ երկար պտոյտէ մը դարձիս՝ զայն մեր տունը գտայ: Բազմոցի մը խորը ողբալիօրէն կծկաւեր էր ան մօրս ու ծեր կնկան մը մէջտեղ զօր բնաւ տեսած չէի:

Սիրանուշի տարօրինակ երեւոյթը զիս վրդովեց մէկէն ի մէկ: Սենեակին սեմին վրայ կանգ առի շուարած: Անիկա ոչ մէկ շարժում ըրաւ զիս տեսնելուն, ու անտարբեր նայեցաւ երեսս ի վեր, կարծես թէ զիս չճանչնար: Եւ սակայն, հազիւ երկու տարի կար որ զիրար չէինք տեսած:

Հօրս գործերուն ստիպմամբ մեկնած էինք կարինէն, ու Սիրանուշի ընտանիքին հետ մեր վաղնջական ու սիրալիր գրացնութիւնը բաժանումի է՛ն խոշոր ցաւերնիս եղած էր: Երբէ՞ն ի վեր կը ճանչնայինք զիրար, չեմ գիտեր: Գիտեմ թէ ինքզինքս ճանչցած օրէս ի վեր գիշեր ցերեկ միասին եղած էինք:

Սիրանուշ, իր ծնողքին մէկ հատիկը, չորս

հինգ տարու պզտիկ էր ինէ : Ու մանկու-
թեանս վերջին տարիները իր պաշտելի աղջ-
նակի ներկայութեան պայծառութիւնովը լե-
ցնելէ ետք, արդէն շատոնց խելահաս ու
չնորհալի ընկերուհի մըն էր ինծի, երբ իրեն
մնասբարովս կ'ըսէի, ճակատէն համբուրելով
յուզուած ու երկիւղածօրէն :

Ու հիմայ սահմուկած կը նայէի իրեն :

Դեփ դեղին ու ընկճուած, իր խորունկ
ու խոշոր աչքերուն մէջ՝ խեղճ հալածուած
անասունի մը նայուածքին աղաչաւոր զա-
հանգանքը ունէր ան : Անսահման թաղծու-
թիւն մը փորրադրուած էր դէմքին տոգու-
նութեանը մէջ : Անոր նիհար թեւերը, անոր
աղօթքի ու անձկութեան եղերական թեւերը,
կարծես թէ ա՛լ յոգնած ըլլային՝ գերա-
զոյն գալարումներու մէջ՝ կոյր ու անողոր
ձակատագրին պաղատելէ, ու անհունօրէն
կ'երկնային իր հիւժուած մարմինը ծածկող
չըջաղգեստին սուգին վրայ :

Սիրանուշի գետնահար տեսքը ու մօրս
այլայլած դիրքը զիս տակնուվրայ կ'ընէին :
Տարտամօրէն կը գուշակէի կոր չարաշուք
ազէտքը որ զարկած ըլլալու էր իմ տարա-
բազմ ընկերուհիս, ու արդէն տազնապա-
հար սիրտս եղբայրօրէն անոր ցաւին հանդի-
պելու կը շտապէր անհամբեր :

Երբ ծեր կնիկը մեկնեցաւ, մայրս պահ
մը Սիրանուշին քով մնաց, լուռ ու համակ-
ուած, խանդաղատագին նայուածքներ հանգ-
չեցնելով անոր վրայ, ու սեւ աղուոր մա-
զերուն հիւսքերը գգուելով : Յետոյ զիս ան-
կիւն մը քաշեց ու քանի մը հծծուած բա-
ռերով տեղեակ ըրաւ անարկու տուամին որ
Սիրանուշը այդ դժխեմ ու խորտակուած
վիճակին հասուցեր էր :

Տառապանքի երկրին հեռուներէն կու գար
կոր ու արիւնոտ Մղճաւանջին ճամբաներէն
քաշկուտուեր էր ան : Իր ճերմակ հոգին,
իր անմեղութեան լուսաւոր հոգին բաղխեր
էր Ոճիրին ու Անօրէնութեան տմոյն պատե-
րուն, ու Չարին բոլոր զօրութիւնները մո-
լեզներ էին հոսելու անոր կուսական հոգի-
ին անապակ բուրաստանին մէջ գարշումն ու
արհաւիրքը ժանտ ու չկասկածուած բանե-
րուն . . .

*
**

Կարմիր Տարիին օգոստոսի վերջերն էր :
Քանի մը օրէ ի վեր դժնեայ ու պակուցիչ
լուրեր բերնէ բերան ման կու գային քաղա-
քին մէջ, խորհրդապահ ծածուկ անկիւններ,
ցած ու խեղդուած ձայներով : Հայերուն դէմ

սաղարուող կոտորածի ու աւարի խօսքեր կ'ընէին : Ամէն տեղ, անորոշ բայց անդոհական զգայութիւնը ունէին կարծես Աղէտքին որ կը սաւառնէր հորիզոնին վերեւ և որ կը սպառնար մօտենալ և տապաստ իյնալ քաղաքին վրայ :

Սիրանուշ չէր կասկածեր այս բոլորը : Եւ սակայն , չեմ գիտեր ի՛նչ անսովոր ու ճնշող բան մը կը զգար մթնոլորտին մէջ որ տաժանելի կ'ընէր իրեն առտնին խաղաղ ու միօրինակ կեանքը : Անիկա նշմարեր էր իրեններուն դէմքին վրայ յեղակարծ գունաթափումներ , նայուածքներուն մէջ արտակարգ սեւեռումներ և խռովիչ վեհերոտութիւն մը անոնց հասարակ շարժումներուն մէջ : Ծանր ծանր կը խօսէին ամէնքը : Ա՛լ չէին խնդար բնաւ : Ու խռպոտած , անշեշտ ձայներնուն մէջ անստուգութեան ու վախի սարսուռ մը կը դողար : Սիրանուշ նշմարեր էր նաև իր շուրջը տենդային ու ոգեսպառ փղձկումներ , ու՛ անոնց յաջորդող՝ յանկարծական , սառնեղէն լուծիւններ , ուր բոլոր իրենները կը պրկուէին , կ'անշարժանային տեսակ մը սարսուգին մտամիտփման մէջ , որպէս թէ պատրաստուելու վրայ ըլլային անծանօթ , ճակատագրային ու մահացու բաներու . . .

*
**

Չարաշուք յանգումը չուշացաւ :

Իրիկուն մը , խուլ , մահագուժ ձայներ , զարհուրանքի ու կոծումի ճգնաժամային ձայներ արթնցուցին Սիրանուշը իր խնկարոյրքունէն : Ընդոստ ելաւ անկողնէն ու ծածկուելով հապշտապ՝ սենեակէն դուրս նետուեցաւ : Մայրը արգէն ելեր ու՝ ձեռքը ճրագ մը բռնած՝ անոր դրանը քով կը սպասէր հերարձակ , անձկութենէ կապարագոյն ու ամբողջ մարմնովը դողալով : Ծնչասպառ ու ահաբեկ , գրկին մէջ առաւ ան իր մէկ հատիկ աղջիկը ու զայն սրտին վրայ սեղմեց խելայեղօրէն :

—Մի՛ վախնար , աղջիկս . . . Անո՛նք են . . . Կու գա՛ն կոր . . . Աստուած կ'ողորմի քեզի . . . Մի՛ վախնար , աղջիկս . . .

Մահասարսուռ վայնասունը կը բարձրանար , հետզհետէ աւելի ներոյժ ու համապարփակ : Գալարատանջ մարմիններու գերագոյն տաժանքէն փրթած ահարկու ոռնումներ , օգնութեան ու պաղատանքի աղբխարչ ճիչեր , աղչկան ու տղաքներու սրտաճմլիկ , յոգնատխուր հեծեծանքներ ու երկարածըգուած հոգեվարքներու անհնարին հռնդիւններ գիշերը կը լեցնէին , անոր սև միսերը փուշ փուշ ընելով իրենց տուայտանքի , անէացման

ու կործանումի դղրդումին քստմենի ահագ-
նութեամբը :

Ու մահասփիւռ, աւերիչ խուժանը, Եղեռ-
նի այսահար թափօրի մը պէս կը մօտենար,
վիթխարի ու մոլեկան :

Սիրանուշի մայրը՝ իր աղջկան սպառնա-
ցող վտանգին սարսափովը խենթեցած՝ անոր
թեւէն բռնեց ու տանը վերնայարկը, դաղ-
տուկ ու անթափանց խորշի մը մէջ տարաւ
զայն պահել :

— Հոս կեցի՛ր, աղջիկս, ըսաւ անոր, տե-
ղէ՛դ մի՛ շարժի՛ր, ձայն ձուն մի՛ հաներ, մին-
չեւ սր ես գամ ու քեզի ասկից առնեմ :

Ու զայն անձկութեամբ ու կատաղօրէն
համբուրելէ վերջ վար իջաւ, իր էրկանը քով :
Յաւազին մարդը, ամբած ու դողահար, ինչ
ընելը չէր գիտեր ու անկիւն մը լուռ կեցեր,
գետին կը նայէր խեղճուկրակ : Դեռ հազիւ
քառսուննոց կար. յաղթ մարմին մը ունէր
ու հուժկու թեւեր որ երկու քովերէն վար
կը կախուէին, անօգուտ ու աւելորդ ան-
դամի անջլութեամբ մը :

Ճրագը մարեցին ու էրիկ կնիկ սպասեցին
մութին մէջ :

Սիրանուշ իր սև խորշին մէջ կը սպասէր,
չունչը բռնած ու աչքերը խաւարին վրայ բա-
ցած, ահուելի բանի մը սպասումին խռովքէն :
Դուրսի վայնասունը հազիւ մինչեւ հող կը
հասնէր :

Քանի մը անվերջ ու ծանրակիր ժամեր
անցան, ու Սիրանուշ, ահանջը պատին դրած
մտիկ կ'ընէր, ամբողջ մարմնովը պրկուած :

Յանկարծ, տանը վարի յարկերէն բուռն
աղմուկ մը իմացաւ : Խորտակուող զռներու,
ջարդուփշուր եղող առարկաներու, ճարճատող
կարասիներու ու աճապարող բիրտ քայլերու
խառնաշփոթ ու հրէշաւոր ձայներ որոնք տու-
նը կը սասանեցնէին :

Ասիկա չէր գիտեր ո՛րչափ տեւեց : Երբ
խուժուժ ձայները դադրեցան ու վայրագ
ժխորը հեռացաւ տունէն, արդէն լոյսը ծա-
գելու վրայ էր : Սիրանուշ ա՛լ չկրցաւ դիմա-
նալ ու դուրս ելաւ իր խորշէն : Ոտքին ծայ-
րերուն վրայ կամաց կամաց վար իջաւ սան-
դուխներէն : Ապշած, զահանդած չորս դին
կը նայէր հիմայ : Տունին մէջ բան մը չէր
մնացած : Մերկ տախտակներն ու պատերը
ահաբեկիչ ամայութիւն մը հագեր էին : Դրու-
ներն ու պատուհանները հաներ տարեր էին,
ու տունը բազմաչեայ գանկի մը պարապ
նայուածքները կը տնկէր ամէն կողմէն :

Սիրանուշ՝ խելացնոր՝ դէպի սրահը վաղեց։
 Հազիւ սեմին վրայ հասած էր երբ ծունգի
 ինկաւ ուժասպառ ու ջախջախուած։ Անասելի,
 գազանային խժդժութեան զարհուրիչ պատ-
 կեր մը իր վիթխարի դժնդակութիւնը կը
 զարնէր հող իր շքորած նայուածքին։ Տախ-
 տակամածին վրայ Սիրանուշին մայրն ու հայ-
 րը իրարու քով, արիւնի լճակի մը մէջ եր-
 կընցած էին մեռ մերկ . . .

Խեղճ կինը կամովին սպասեր էր այգտեղ,
 ու էրիկն ալ ստիպեր էր իր քովը մնալու,
 որպէս զի Քիւրտերը տունին մէջ ուրիշ անձի
 մը ներկայութեան կասկածը չունենան, ու
 խողխողումի վայրկեանին անգամ ձայնը փո-
 րին մէջ պահեր էր կատաղաբար՝ թունդ
 չհանելու համար իր աղջիկը։ Հրոսակները զա-
 նոնք մարթելէ վերջ հանուրցուցեր էին ու
 մինչև յետին գուլպանին առեր տարեր էին։

Սիրանուշ դիւային ազազակ մը արձակեց
 ու ծունկերուն վրայ՝ արիւնին մէջէն քաշ-
 կըռտուելով՝ մօրը դիակին մօտեցաւ։ Գեռ
 տաք էր մարմինը, ու կէս մը կտրուած վիզէն
 դեռ ժայթքող արիւնի ցայտումը՝ Սիրանուշի
 երեսն ի վեր նետուելով՝ անոր բիւրերը պղղ-
 տորեց։

Սիրանուշ միշտ ծունկի վրայ, աչքերը

տարապայման հրայրքով մը մօրը դիակին
 յառած, արիւնին կարմիր թենթութիւնովը
 կը լեցնէր զանոնք։ Ու ատեն մը մնաց այդ-
 պէս, պակուցումէն ու յուսահատութենէն
 քարացած ու եղեռնին հօտէն զգայախաբ։
 Անկա չկրցաւ լալ, արցունքին անդորրող
 անձրեւը չիջաւ անոր հոգիին ամեհի փոթո-
 րիկին վրայ. հազիւ քանի մը խեղդուկ ու
 պատռտած հեծկլտանքներ անոր կոկորդը
 քերթեցին։ Յետոյ ծռեցաւ մօրը վրայ, իր
 անբիծ շրթունքները անոր արիւնոտ շրթունք-
 ներուն փակցուց ու մղեղին խանգաղա-
 տանքի վերջին համբոյրի մը մէջ զանոնք
 խածնելէ վերջ, ոտքի ելաւ ու մահաշուք
 տունէն դուրս վաղեց խելագար։

Ամառուան պայծառ առտու մըն էր։
 Լոյսով ողողուած քաղաքին մէջ ա՛լ կործա-
 նարար Ռժը դադրեցուցած էր իր շղթայա-
 գերծ ու մահասփիռ վազքը։ Ամայի փո-
 ղոցները աղէտքի վաղորդայնին խուլ սար-
 սափը կը լռէին։ Գիշերուան կոտորածէն
 ճողպարած ողորմելի ու գունաթափ էակներ,
 ճամբաներու դարձքէն երեսան կու գային
 երբեմն ու՝ հետապնդող մղձաւանջէն կարծես
 հալածուած՝ դէպի մօտակայ եկեղեցիները
 կը շտապէին հեւալով։ Սիրանուշ մեքենաբար

հետեւեցաւ այլակերպած երիտասարդ կնկան մը որ հերարձակ կը վազէր, գիւրկին մէջ երեխայ մը բռնած :

Ա՛լ լմնցած էր : Ու ամբողջ այդ դերագոյն գիշերը ո՛չ մէկ հրազէնի հարուած լսուած էր քաղաքին մէջ : Ոճիրը իր ժանգոտ ու ծուռ Իանակը միայն մաքրեր էր Հայուն հոսելու պատրաստ արիւնին մէջ, ու չէր հանդիպեր բնաւ՝ իր վատ ու դիւրին ճամբուն վրայ՝ ինքնապաշտպանութեան տարտամ, հեռաւոր շարժումի մը, բոլոր այդ ողբալի ժողովուրդին կողմէ . . .

Քանի մը օր վերջը, Սիրանուշի մնացած ծանօթներէն սրտցաւ մարդիկ անոր տխուր որբութեանը մտածելով, մեզի յիշեր ու զայն մեզի զրկեր էին :

Ա՛լ մեր որբը, մեր տունին հիւանդ աղջիկն էր անիկա, ու կաթոգին աղապատանքով մը շրջապատեցինք զինքը ամէն վայրկեան : Դժնդակ ցնցումէն ի վեր որ անոր էութիւնը հիմէն խախտած, քայքայած էր, Սիրանուշ մեր քով կ'ապրէր դատապարտուած ու ախտաւոր կեանք մը :

Պարտէզներու ու դաշտերու վրայ նայող լուսաւէտ սենեակին մէջ զոր իրեն յատկացուցած էր մայրս, անիկա լուռ կը մնար

երկար ժամեր, շուարած պիշ աչքերը պըտըտցնելով տարտամ անկիւններու վրայ : Մենէ մէկը միշտ իր մտը կ'ըլլար : Բայց մեր փութկոտ խնամքներուն, մեր սիրազեղ արտորանքներուն հազիւ կը պատասխանէր ան քանի մը տժգոյն վանկերով, հազիւ երբեմն կը մտածէր ետին դառնալ, նայիլ պահ մը իր հատնումի ու սեւեռման ճամբուն վրայ :

Զուարթ, խելխուլ պատմութիւններ ըրինք զինքը մտազբօսելու համար, անուշ՝ մոռցնող երգեր կանչեցինք իր ցաւը քնացնելու համար : Ոչինչ կրցաւ զայն սթափեցնել իր դժնեայ յափշտակութենէն, ոչինչ կրցաւ վրդովել իր կապարէ երազանքը :

Միակ ու բռնաւոր մտածում մը տիրականօրէն կը լեցնէր իր սպառող դոյութիւնը, կը լլկէր իր կիսաւեր հոգին :

Արիւնին տարամերժ ու անողոք յաճախանքն էր ասիկա :

Արիւն կը թափէր գիշերին մէջ, արիւնի տարափներ դահալիժօրէն կ'իջնային դուրսի սեւ միջոցին մէջ, ու արիւնով կարմրած աղջամուղջը իր նայուածքը կը կուրցնէր :

Սիրանուշ ա՛լ դրեթէ չէր քնանար : Ծակատագրական մահագոյն վարագոյրի մը պէս

իր կեանքին վրայ իջնող, իր սխրալի մանկութիւնը վերջացնող դաժան գիշերէն ի վեր, անիկա չէր կրցեր գոցել իր աչքերը, վախնալով կարծես անոնց մէջ բանտել ու միշտ պահել արհաւիրքը զոր անհունօրէն տեսան անոնք :

Որքան գիշերներ հսկեցի ես ալ Սիրանուշին քով : Յուզումով ու երկիւղածութեամբ կը մտնայի ամէն անգամ սենեակէն ներս : Իրեն կը մօտենայի և ճակտէն կը համբուրէի, ինչպէս կը համբուրեն խորանին վրայ դրուած նուիրական մասունք մը : Քանի մը անիմաստ բառեր կը թօթովէի իրեն ու անկիւն մը կ'երթայի նայիլ լուռ ու մունջ : Անիկա երբեմն ինձի կը նայէր գերմարդկային նայուածքով մը ու տարօրինակ քաղցրութեամբ ժպիտով մը, որ դալկացած սրբուհիի մետաքրական շնորհք մը կը դնէր անոր դէմքին վրայ :

ժամերը կ'անցնէին ծանր ու յուղարկաւոր :

Երբեմն դուրսէն եկող անորոշ ձայն մը Սիրանուշը կը ցնցէր : Ոտքի կ'ելլար ան յեղակարծ, ու՝ ահուգողի կսկծալի շեշտով մը՝

— Անո՛նք են . . . կուգա՛ն կոր . . . փախչի՛նք . . . կ'ըսէր սարսափած, ու կու գար ինձի փարիլ աղաչաւոր ու սարսուզին :

Ան ատեն, թեւերուս մէջ կ'առնէի զինքը ու ապահովիչ խօսքերով կը հանդարտեցնէի, կը փարատէի իր վախը : Ու նորէն կը լռէինք միասին :

Ամէն առտու՝ մութնուլուսուն՝ պատուհանին քով կ'երթար նստիլ և գլուխը ապակիին կոթնցուցած՝ արշալոյսին կը սպասէր անհամբեր : Ասիկա տարփանք մը, հրայրք մը եղած էր իրեն :

Բայց աշնան սկիզբները ա՛լ չկրցաւ անկողնէն ելլալ : Կռնակի վրայ ոգեսպառ երկընցած, ամէն վայրկեան կը վառէր, կը հատնէր անիկա՝ ուխտուած ու անչէջ մոսի մը պէս : Բժիշկները ամէն յոյս կտորեր էին իրմէ, ու մենք՝ ճարահատած անոր կեանքը երկարելու մեր հոգեւին մաքառումին մէջ՝ համակերպեր էինք ա՛լ անոր խսպառ մեկնումին :

*

**

Այդ գիշերը ամբողջ հսկեր էի իր սնալին քով : Արշալոյսին—որ իր կեանքին վերջալոյսն էր այս անգամ—Սիրանուշ իր հալումաչ գլուխը բարձին վրայէն տաժանագինօրէն վեր առնելով՝ աչքերը պատուհանին սեւեռեց : Յետոյ ինձի դարձաւ նախեցաւ երկար, պաղատագին նայուածքով մը :

Հասկցայ որ դուրսը նշուլող արշալոյսը տես-
նելու, վայելելու իր անկարող տենչանքը կը
գալարէր զինքը : Վարագոյրները մէկդի ըրի,
ու անկողինը մեղմօրէն պատուհանին մօտե-
ցուցի :

Հորիզոնին կուսութիւնը վարդագոյն ար-
իւնի անհուն ամօթխածութեամբ մը շառա-
գուներ էր արդէն, ու հրաշաքանդակ ամպեր
իրենց ոսկեզօծ շղթաները կը տարածէին
երկինքին միապաղաղ մարբութեանը վրայ :

Սիրանուշ, իր կմախացած արմուկները
բարձին յենած, գլուխը ձեռքերուն մէջ,
անհնարին յափշտակութեան տենդավառ
նայուածքով մը հորիզոնը կը լափէր :

Յանկարծ, ինծի դարձաւ ու՛ երանութեան
աստուածային ժպիտով մը՝ որ միշտ պիտի
ճառագայթէ ուղեղիս մէջ, մխիթարուած
կարծես բոլոր անողորմ ճակատագրականու-
թենէն որ զինքը հալածած, ճզմած էր, ու
ազատագրուած Արիւնին յամառող յաճա-
խանքէն որ իր դիւրաբեկ ծաղիկի կեանքը
խմած, ցամքեցուցած էր, անյիշաչար, գրեթէ
ներող ձայնով մը մրմնջեց .

—Ո՛չ որ ինծի չափ արշալոյս տեսաւ . . .

Ու Սիրանուշ աչքերը գոցեց, ա՛լ չբա-
նալու համար զանօնք . . .

Ք Ո Յ Ր Ը



Ք Ո Յ Ր Ը



Ենեակին մէջ մինակ նստած կը խօսէինք: Գաղափարի ընկերուհի մըն էր, որուն տունն էի, և որ նոր վերադարձեր էր Պոլիս ըրած իր վերջին ճամբորդութենէն: Անիկա թարմ ու անհատնում տպաւորութիւններ բերեր էր իրեն հետ Վոսիորի դիւթական դժոխքէն, և կ'ըսէր զանոնք՝ կնոջական շնչատ, կցկտուր այլ խորապէս զգայուն արտայայտութեամբ մը, որ յաճախ մէկ բառի մէջ ամէն բան կը խտացնէ, և որ ջիղերը կը թրթռացնէ, մարմինը փուշ-փուշ կ'ընէ ապրուած իրականութեան, անցուած արկածին, կրուած յուզումին, հանդիպուած ցաւին սուր ու անդիմադրելի սարսուռովը: Սրտհատնում մը՝ ապիկա, բայց հեշտանք մը՝ միեւնոյն ատեն: Ու ես՝ ծարաւի հետաքրքրութեամբ մը անոր շրթներուն լարուած՝ մտիկ կ'ընէի իրեն,

անձկայրեաց՝ աւելի ու աւելի լսելու իրմէն , ու անհամբեր՝ սպառելու , իւրացնելու ամբողջ գանձն իր պատմութիւններուն :

— Բան մը վրաս չէ՛ ազդած այնքան , շարունակեց ընկերուհի Արտէմ՝ որքան ա՛յն , ինչ որ պիտի զրուցեմ հիմայ քեզի : Այս վերջին թրխիս դէպքերով ու դիպուածներով լեցուն եղաւ , բայց ամէն բան , ու նո՛յն իսկ երլտըզի ումրապայթումին ու Արիկ էֆէնտիի սպանութեան սոսկալի օրերուն բոլոր տեսածներս ու լսածներս , կրնայ ըլլալ որ մոռնամ , բայց ան աղջկան դէմքը , անոր խօսքերը , անոր պատմութիւնը երբեք , երբեք չեմ կրնար , պիտի չկրնամ միտքէս հանել . . .

Եւտի Գուլէի Ազգային Հիւանդանոցը գացեր էի՝ ազգականներէս հիւանդի մը այցելելու համար : Եւ այդ առթիւ ուղեցի Հիւանդանոցին զանազան մասերը տեսնել ու հիւանդներու գրութիւնը աչքէ անցընել : Տարօրինակ թո՛ղ չթուի քեզի այս փափաքս . հիւանդանոցները շատ պառկած , տառապած ըլլալու է թերեւս : Հիւանդապահ աղջիկներէն մէկը , փութկոտ հաճոյակատարութեամբ մը , առաջնորդեց զիս : Արագ մը անցանք բոլոր սրահներէն : Յիմարանոցի կիներու բաժնին մէջ էր որ ամէնէն աւելի

կանգ առնել ու մնալ պիտի ստիպուէի : Չէի կրնար «օգնել» . այդ արգահատելի էակները ամէն հիւանդէ աւելի բուռն կարեկցութիւն մը ազդած են ինձի . անոնք հոգիին թորխտաւորներն են կարծես , և այն մտածումը՝ թէ իրենց վիճակը գրեթէ միշտ արդիւնք է բացառիկ դժբաղդութեան մը կամ արտակարգ տառապանքի մը՝ զիս խորունկ համակրութեամբ մը կը քաջէ դէպի անոնց : Անհուն խանդաղատանք մը ունիմ մանաւանդ յիմարացած կիներու և աղջիկներու համար : Ու բնական էր , հետեւաբար , որ հոգ , կին յիմարներու բաժնին մէջ , պիտի յամենայի :

Շատ մը մտային խանգարումի պարագաներու մէջ , որոնք ամէնքն ալ իրենց առանձին աւելի կամ պակաս շահեկանութիւնը ունէին , աղջիկ մը , մասնաւորապէս , իմ ուշագրութիւնս գրաւած էր , առջի վայրկեանէն :

Ներս մտած ատենս՝ անիկա լռիկ նստած էր պատուհանի մը առջեւ , աչքերը դուրսը սեւեռած , մէկ ձեռքը ծնօտին տակ , վտիտ մասները շրթուներին վրայ : Բայց երբ ես , ասդին , չափահաս ու գեղադէմ կնոջ մը հետ կը խօսակցէի , անիկա , յանկարծ , ոտքի

ելաւ, անդիէն, իր նիհար թեւերը ջղաձգօրէն ետին երկարեց, մէկուն մերձեցումը մերժելու, արդիւլելու պէս, ու աչքերը գոց, կարծես վախնալով դուրսն ալ ետին դարձնել, աղեկտուր ձայնով մը սկսաւ ճշել.

— Չէ՛, չե՛մ ուզեր . . . մի՛ մօտենար, կորսուէ՛ . . . դուն իմ եղբայրս չե՛ս . . . դուն Տաճիկ մըն ես . . . կ'ատեմ քեզի . . . գնա՛, վա՛տ, հեռացիր, կորսուէ՛ . . .

Ու պահ մը, անշարժ ու լուռ կենալէ ետք, թեւերը վար թողուց, ու մեղմ ու լալազին շեշտով մը աւելցուց.

— Ո՛ւր է Արամը, պղտիկ եղբայրս, հոգի՛ս . . . ո՛ւր է Արամն, չե՞կաւ դեռ, ե՞րբ պիտի գայ . . . ա՛ն դրկէ՛ ինձի . . . Արա՛մն կ'ուզեմ, Արա՛մն կ'ուզեմ տեսնել . . .

Ու աթոռին վրայ ինկաւ, ու խուլ ու յուսահատ հեծկտուք մը փրցուց, ամբողջ ազազուն մարմնովը դալարուելէն . . .

Անկարելի էր դիմանալ իր լաց ու կոծին։ Աչքերս արցունքով լեցուեցան, սիրտս սկսաւ խշխշալ և ուժգնօրէն զարնել։

— Հոգ մի՛ ըներ, տիկի՛ն, բան չկա՛յ, ըսաւ յիմար խօսակիցս, օրը մէկ-երկու հեղատ աղջկան կը պատահի այդպէս, ատոր ալ վարժուեցանք . . . Դուն ինձի ա՛ն ըսէ,

պիտի նամակ գրե՞ս ինձի Ամերիկայէն . . .

Բայց խելքս ու նայուածքս անդին էին, ան հեծող աղջկան վրայ, ու չէի կրնար ուշ տալ խօսակցիս։ Ուստի զայն ձգեցի, և հիւանդապահ՝ առաջնորդիս հետ շտապեցի միւսին մօտ։

Դեռ քսանըհինգ տարեկան հաղիւ կար, միջինէն վեր հասակ մը, որ աւելի երկարեր էր իրանին ու ամբողջ մարմնին տանջուած վտառմամբ, խոշոր սև աչքեր, աղնուազգի սեւութեամբը բնագաւառի աղջիկներուն, և աւելի սեւաթոյր մազեր, որոնց յորդառատ ալիքը կը թաւալէր իր կմախացա՝ թիկունքն ի վար։

Չիս տեսնելուն՝ կարեց իր լացը, ինքզինքին եկաւ, ժողուըտուեցաւ, շտկուեցաւ աթոռին վրայ, թաշկինակով մը սրբեց իր արտասուածքը, տժգոյն ու թափանցիկ այտերը, և սրբուհիի ու յանցապարտի անպատում նայուածք մը նետեց վրաս։

— Տիկինը Ամերիկայէն է, ըսաւ հիւանդապահը, զիս անոր ներկայացնելով։

Աղջիկը պատասխան չտուաւ։

— Անունդ ի՞նչ է, անուշս, հարցուցի, իր մազերուն մետաքսը շոյելով։

Նորէն չպատասխանեց։ Բայց իր աչքերը

գլխով թիւն, ներողութիւն կը հայցէին իրեն համար :

— Այսպէս է, կը փսփոսար ականջիս հիւսանդապահը, մարդու չի պատասխաներ, մինակ ինքնիրեն կը զրուցէ . . .

— Չե՞ս ուզեր անունդ ինծի ըսել, անո՛ւշա, թախանձեցի ես կրկին, ձեռքս քաղցրութեամբ իր ուսին դրած :

Աղջիկը դալկօրէն շիկնեցաւ : Կ'ուզէր բան մը ըսել, բառ մը արտաբերել, սիրտս չկոտրելու համար, կարծես զգար իմ անձկութիւնս, ու ճիգ մը ընել ուզէր տեղի տալու անոր :

— Ես Արամին քոյրն եմ, եղաւ իր միակ պատասխանը, զոր արտասանեց կամաց, ծանր ու մանկական անհունօրէն սրտաշարժ շեշտով մը :

Եւ այդչափ : Ա՛լ կարելի չեղաւ ինծի ուրիշ խօսք մըն ալ խլել իր կղզուած ու չբացուող շրթներէն : Եւ արդէն չստիպեցի, որովհետեւ չէի ուզեր, չէի կրնար երկար մնալ հող ու հանգուրժել չարչարանքի այդ անձանօթ ճակատագրին, և անհամբեր էի այդ աղջկան վրայով մանրամասնօրէն լսելու, անոր ողբալի պարագային ամբողջապէս տեղեկանալու : Ուստի, քանի մը սրտագին յոր-

դօրներով, կրկին գալ զինքը տեսնել խոտանալէ ետք, իր երեսները համբարեցի ու դուրս ելայ սրահէն :

Նրբանցքին մէջ, հիւսանդապահին թեւէն բռնեցի և ստիպողաբար աղաչեցի իրեն որ անմիջապէս ըսէր ինծի ամէն բան որ ինք լսած էր կամ գիտէր այդ աղջկան մասին որ զիս խռոված, տակնուվրայ ըրած էր :

Հիւսանդապահը, անձկոտ նայուածքով մը չորս գին խուզարկեց, կարծես վախնալով որ մէկը կը լսէ իր «վտանգաւոր» խօսելիքները :

— Եկո՛ւր, ըսաւ ապա, տեղ մը քաշուինք՝ որ մարդ չիմանայ մեզի . . .

Իրեն հետեւեցայ : Մօտակայ խուցի մը մէջ առանձնացանք : Եւ հոն, գոց դրան ետին, չոր ալժուռի մը վրայ նստած՝ մտիկ ըրի ամէնէն ահաւոր, ամէնէն դժնդակ, ամէնէն եղերական պատմութիւնը, զոր կեանքիս մէջ երբեք լսած ըլլամ :

*
**

95ի ամլան սկիզբը, իր ծնողքին հաւանութեամբը և անոնց ամենամտիկ բարեկամներէն ճամբորդ ընտանիքի մը հետ, Չապէլ—այս էր աղջկան անունը—Սեբաստիա-

յէն կը մեկնի դէպի Սեւ Մովու մէկ նաւահանդիստը, այցելելու հոն հարս դացած իր մէկ մօրաքրոջը, և գիմաւորելու իր կըրտսեր եղբայրը, Արամ, որ Պոլիսէն կու գար տուն, դպրոցական արձակուրդի ամիսներն անցընելու :

Զապէլ խանգակաթ գորովով մը կը սիրէր իր այդ եղբայրը, որ գրեթէ տարեկից էր իրեն, և որուն կայտառ ու սիրալի ներկայութեամբը լեցուած էր իր կեանքը, այն օրերէն ի վեր՝ երբ միասին կը տապալակէին օրորոցին շուրջ, մինչեւ խելանութեան արշալուստ տարիները : Մինչդեռ իր անդրանիկ եղբայրը, Աւետիս, որ արդէն երկարատենէ ի վեր առեւտրական ասպարէզը մըտած՝ չափահաս երիտասարդ մըն էր, տարիքի անհամեմատ տարբերութեամբ մը, քրոջական միեւնոյն ջերմեռանդ պաշտումէն աւելի՝ տեսակ մը հանդարտ ու կրաւորական սէր ներշնչած էր իրեն, որ զայն միշտ մեծ ճանչցած ըլլալ կը յիշէր :

Արամ, Պոլիս ուսանողութեան երթալէն ի վեր, առաջին անգամն էր որ տուն կը վերադառնար : Ու Զապէլ՝ կարօտէն խենթեցած՝ անոր վիզը կը փաթթուէր հիմայ, ու չէր ուզեր անկէ վայրկեան մը բաժնուիլ :

Արամ առաջինը չէր բոլորովին. անիկա զարմանալի ու հիմնական փոփոխութիւններ կրած էր : Սեբաստիայէն խնդումներես ու թեթեւօտն մեկնող սիրունիկ տղեկը պատանեմարդ կը վերադառնար, կանխահասօրէն աճած, դրեթէ առնական երեւոյթ մը առած : Կեդրոնականը իր հզօր ու կախարդ շունչը փչեր էր անոր սրտին և իր ճակատագրական կնիքը դրոշմեր էր անոր երեսին : Ու իր խօսքերուն ու իր շարժումքին ու իր նայումքին մէջ լրջութիւն մը կար որ իր քաղցր ու միամիտ քրոջ հոգին կը խռովէր, թունդ կը հանէր՝ չփոթ ու հեռաւոր անձկութիւններով : Բայց Զապէլ հպարտ էր իր Արամով. անիկա իր հերոսն էր, իր կեանքն ու իր պարծանքը, ու կը պատրաստուէր անոր հետ թեւթեւի Սեբաստիա դառնալ և անով իր յաղթական մուտքը գործել ազգականներու, բարեկամներու և ծանօթներու շրջանակին մէջ :

* *

Եւ ահա՛ վրայ կը հասնի Դէմքը, ամէն ծրագիր խանգարող, ամէն երազ քանդող, ամէն երջանկութիւն խորտակող անողորմ ու անաստուած Դէմքը . . .

Քաղաքը սարսափի մէջ է : Մեկնիլ, ճամբորդելը անկարելի : Կոտորածը ամէն ելք գոցած , ամէն ճամբայ խափանած է : Պաշտպանութեան ո՛չ մէկ յոյս , ինքնապաշտպանութեան ո՛չ մէկ միջոց կամ պատրաստութիւն : Տուներու անապահովութիւնը կը մզէ հայ բնակչութիւնը եկեղեցիները ապաստանելու :

Շատ մը ուրիշներու պէս , Չապէլ ու Արամ ալ՝ աղէտոգում սպասումի արհաւիրալի գիշեր մը լուսցնելէ ետք, առտուն դուրս կ'ելլեն՝ իրենք զիրենք ամէնէն մօտիկ եկեղեցին նետելու խուճապական աճապարանքով : Բայց հաղիւ քանի մը փողոց դարձած են , երբ արիւնախանձ գազաններու վոհմակ մը իրենց ճամբան կը կտրէ : Կը կենան : Փախչին անկարելի է : Չապէլ Արամին կը փարի , կը կառչի խելայեղօրէն : Կազանները կը մօտենան՝ զոյգ մը անզուգական այս որսին տեսքէն գիշատիչի ախորժակնին գերազրգուած : Արամ իր մերկ ձեռքերն ու ակռաները ունի միայն պաշտպանելու համար իր քոյրը , որ նուազած գետին ինկած է արդէն : Բայց անիկա երկու մտածում չունի . կացութիւնը՝ իր ամբողջ արհաւիրքով՝ որոշ է իրեն համար : Ինք հոն

պիտի կենայ իր քրոջը առջեւ , ու որքան որ դեռ չէ դադրած շնչելէ՝ պիտի թոյլ չտայ որ անոր դպչին . . . : Գնտակ մը՝ իր կուրծքին՝ կը զգեսնէ զինքը իր քրոջ նուազած մարմնին վրայ : Արամ իր հոգեվարքի թեւերուն մէջ կը գրկէ զայն , ու անոր գլխուն դրած վերջին համբոյրով մը իր շունչը կուտայ : Չապէլ սթափած չէ դեռ : Կազանները կը բաժնեն իրարմէ քոյրը և եղբայրը : Անշունչ դիակը կը ձգեն փողոցին վրայ , շնչաւոր դիակը կը վերցնեն կը տանին :

Երբ Չապէլ ուշքի կու գայ , ինքզինքը կը գտնէ՝ բազդակից կարգ մը ուրիշ աղջիկներու հետ՝ թրքական փարթամ գեհնի մը մէջ , ուր Տաճիկ էֆէնտիներ ժամանցի համար կու գան , կը հանգչին ու իհժ կ'ըլլան՝ մեղկ ու արբշուող նուագածութեան մը ձայնով՝ պարել տալով հող , Պոտլէռեան «գերեզմանի պէս խորունկ տիվաններու» վրայ սմբած , կծկտած աղեխարշ զոհերը . . .

*
**

Իրիկուն մը , նորէն , այս տեսակ զուարճատէրներու խումբ մը ինկեր , տախտապարեր էր հող : Խրախճանքը իր մագիլները Յաւին վրայ դրեր , անով կը խնձղար , կը

յօսնանար : Երգերն ու պարերը իրարու կը յաջորդէին : Ու բոլոր այդ միջոցին՝ Զապէլ՝ Տիկանին մէկ անկիւնը քաշուած ու գլուխը բարձերու մէջ մխրճած՝ կը ջանար չտեսնել, չլսել . . . : Կարգը իրենն էր, սակայն, ու պէտք էր որ ինքն ալ իր բաժինը պարէր : Տանտիրուհին, դաժան դէմքով պառաւ մը, եկաւ իր թեւէն քաշեց բրտօրէն, ու ոտքի հանեց զինքը :

Նուագարանները սկսան խօլ եղանակ մը հնչեցնել : Բայց Զապէլ կեցած տեղէն չէր շարժեր : Անիկա այցելուներէն մէկուն վրայ տնկած էր իր աչքերը և անոր կը նայէր՝ կոպերէն դուրս ցայտող իր բիւրեւուն խողառ սեւեռումովը : Ու մարդը, որ այդ տարօրինակ նայուածքին ենթարկուած էր, բնա՛ւ վեր չէր վերցնել իր գլուխը, չէր փորձուեր հետաքրքրուիլ խաղերով ու աղջիկներով, և շարունակ պատրուակ մը կը փնտռէր՝ անտարբեր ու մտազբաղ ձեւանալով՝ մեկուսանալու և ուշադրութենէ վրիպելու համար :

Ո՞վ էր այդ մարդը, ի՞նչ գործ ունէր հող : Զապէլ ճանչցած էր զայն, ու թէեւ չէր կրնար ինքնիրեն բացատրել անոր հողներկայութիւնը, բայց անոր մէջ իր փրկութիւնը ապահովուած կը տեսնէր արդէն . . .

Զապէլի մեծ եղբայրը, Աւետիսն էր այդ մարդը, որ իր առեւտրական գործերուն հասնելու համար — այդ արգելքի ու աղէտքի օրերուն — չկրնալով իբր հայ ճամբորդել, իր մէկ թուրք բարեկամին մեղսակից վկայութեամբը, յաջողեր էր ամէն տեղ իբր թուրք անցընել ինքզինքը : Այդ իրիկուն ալ թուրքերու հետ գտնուելով՝ չէր կրցեր բանաւոր պատճառ մը գտնել խոյս տալու, երբ առաջարկեր էին ամէնքը մեկանց հող դալ զուարճանալու : Աւետիս, կասկած չարթնցընելու համար, ընդունել էր առաջարկը, և հետեւէր էր իր կարծեցեալ հաւատակիցներուն :

— Պարէ՛, աղջի՛կ, պարէ՛, կը ձայնէին ամէն կողմէ՛ հաճոյքով անասնացած թուրքերը :

— Պարէ՛, հայտէ՛, պարէ՛, կը հրամայէր շիլ ու ժանտադէմ տանտիրուհին :

Բայց Զապէլ կեցած տեղէն չէր թնտար : Ու երբ տեսաւ որ ա՛լ պիտի չկրնար դիմադրել իր վրայ թափող ստիպումներուն, ամէն բան աչքը առաւ, և կողկողագին ձայնով մը գոչեց .

— Աւետի՛ս, մեծ եղբա՛յր, չե՞ս լսեր, ինչո՞ւ չես նայիր ինձի, Աւետի՛ս, մեծ եղ-

բա՛յր , ազատէ զիս ասկէ , ազատէ՛ զիս ասոնց ձեռքէն . . .

Բոլոր ներկաները , յանկարծ սահմուկեցան մնացին՝ այս խօսքերուն վրայ : Ձէին հասկնար թէ ի՞նչ կ'ըսէ ան , բայց կը տեսնէին որոշապէս թէ աղջիկը հայերէն խօսք կ'ուղղէր իրենցմէ մէկուն : Չարմանքի առաջին տպաւորութենէն ետք , սկսան աջէն ձախէն հարցումներ ընել .

— Ի՞նչ է ան , Հաֆըզ էֆէնտի , ի՞նչ ըսել կ'ուզէ կոր այդ աղջիկը . . .

Աւետիս , վախէն դեփ դեղին կտրած , բայց ջանալով ծածկել իր ներքին տագնապը , բռնազրօսիկ ծիծաղով մը կը պատասխանէր ամէնուն .

— Հէ՛չ , էֆէնտի մ' , փախցուցե՛ր է , խե՛նթ է , զիս Հայու և ճանչորի տեղ դրած ըլլալու է , չեմ հասկնար կոր , ասո՛յի՛ պ . . .

Չապէլ տեղի չէր տար , սակայն , և աւելի ու աւելի թախանձագին պաղատանքով մը , կը կրկնէր շարունակ .

— Աւետի՛ս , մեծ եղբա՛յր , դու՛թ չունի՞ս , ազատէ՛ զիս ասկէ , ազատէ՛ զիս ասոնց ձեռքէն . . .

Կայութիւնը կը կնճռոտէր ու վտանգա-

ւոր կը դառնար : Թուրքերը կասկածիլ կը սկսէին :

— Աս ի՞նչ բան է , Հաֆըզ էֆէնտի , ի՞նչ կ'ուզէ կոր քենէ այդ աղջիկը , ասոր մէջ բան մը կենալու է . . .

Աւետիս , ինքզինքը փրկելու դողահար թափով մը , ամէն նկատում մէկդի դրած , ամէն զգացում կուլ տուած , ստքի ցատկեց ու գնաց Չապէլին առջին ցցուեցաւ , ու հեզնոտ ու արհամարոտ ձեւերով , սկսաւ չափուիլ այդ տկար ու մատնուած էակին հետ , որ իր միտէն ու ոսկորէն էր , իր քո՛յլը . . .

— Ի՞նչ ըսել կ'ուզես կոր , խե՛նթ աղջիկ , թուրքերէն ըսէ՛ , ես հայերէն չեմ հասկնար , հայ սիրականի՞դ նմանցուցիր զիս , հոս Հայ ոտք չի կրնար կոխել , հոս կեավուրի աղջիկները միայն կ'ընդունուին . . .

Ու Աւետիս ճղակտար կ'ելէր իր դերը լաւ կատարելու : Մարդկային վատութեան այդ քստմնելի ու ծամաճուռ պատկերին մէջ , Չապէլ աւելի մօտէն ու աւելի ստուգապէս կը ճանչնար հիմայ իր մեծ եղբայրը : Եւ յուսահատութեան անհնարին յամառումով մը՝ անոր առջեւ ծունկի եկաւ ու կրկին ու կրկին աղերսեց .

— Գէշութիւն մի՛ ըներ , Աւետիս , մեծ եղբա՛յր , փրկէ զիս այս տեղէն . . .

Աւետիս, իր կացութիւնը փրկելու մտա-
ծումէն կուրցած, մղեցնած՝ ոտքովը ետ
հրեց իր քոյրը, և ահաբախի յիշոց մը նետեց
անոր ճակատին .

— Կորսուէ՛, . . .

Չապէլ, գետինը փռուած, երկար ու
չարաշուք աղաղակ մը արձակեց, մէկը այն
հագեպատառ ճիչերէն որոնք լեզու չունին,
կամ գերադոյն, ընկճող, ջախջախող կակի-
ծին միակ լեզուն կը կազմեն մարդկային է-
ակին մէջ : Յետոյ, նոյնքան երկար ու չարա-
շուք քրքիջ մը փրցնելէն, ոտքի կանգնեցաւ
և սկսաւ պարել, պարել, անընդհատ ու
խօյական պար մը, որուն յորձանքին մէջ իր
ամբողջ մատղաշ էութիւնը, իր պարզուկ ու
անպիղծ խորհուրդը կը ցրուէր, կը յնդէր,
կ'երթար, և որմէ չզաղրեցաւ, մինչեւ որ
իր թեւերէն բռնելով զինքը բռնի կեցուցին
ու տարին անկիւն մը նստեցուցին :

*
**

Մէկ քանի շարաթ վերջը, միւս հայ ա-
ռեւանդուած աղջիկներուն հետ, յիմարացած
Չապէլն ալ յանձներ էին տեղւոյն Առաջնոր-
դարանը : Իսկ Դէմքը անցնելէն ետք — որ
արդէն Սերաստիայէն առեր տարեր էր իր
ճնողքին կեանքը — Չապէլ՝ իր մեծ եզրօր
կարգադրութեամբ՝ Պոլիս զրկուեցաւ՝ Ազ-
գային Հիւանդանոցը դրուելու :

Հ Ա Ց Ի Ն Ո Ի Ժ Ը



Հ Ա Յ Ի Ն Ո Ի Ժ Ը



Տարի մը անցեր էր արդէն Աւերուսի փոթորիկէն ի վեր որ շղթայազերծուեցաւ Հայ աշխարհին եղկելի տարածութեանը վրայ, ու քար ու քանդ գետնի հաւասար ըրաւ խոնարհ երգիքները ամբողջ ողբալի բնակչութիւններու : Արիւնի յորդ սահանքները չէին կրցեր բեղմնաւորել հայրենի հողը, որ գեռ գիակ կը հոտէր : Ահաւոր խողխողումէն վերջ, վայրի ծաղիկները՝ գրեթէ ինքնիրենց թաղուած ամբոխներու փառութեան մէջէն՝ անկարեկիր բնութեան բիւրաւոր ժպիտները բացած էին այդ գարնան : Բայց ցորենը չէր կանչցեր ու գութանին նուիրական լիւումէն այրիացած արտերը, լերկ ու խոպան, իրենց լքուած ու անարգաւանդ մայրութիւնները կը սգային :

Ու ամառուան աւաջին տօթերուն հետ,

Սույլը — անողորմ պատուհաս հողէն ապրող համայնքներու — իր մահացաւ շունչը կը փռչէր հիմայ, լափել հատցնել սպառնալով կիսամեռ կեանքը Աղէտէն ճողպրածներուն :

*
* *

Հազիւ ժամու մը չափ հեռու Մեծ ճամբէն, ուրկէ բեռնաւոր կարաւաններ, սպառազէն ձիաւորներ ու շղթայակապ արտրեալներ կ'անցնէին շարունակ և որուն ծայրը չէին գիտեր ո՞ւր կը յանգէր, սեպ դարձերի մը կուշտին մխուած, դիզուած էր Օ^ր գիւղը : Միւս մինակ, ամայի ու դաժան բռնապատկերի մը կեդրոնը կղզիացած էր ան, ու իր տանիքները՝ ծերութեան ու յոգնութեան անհուն լքումով մը իրարու վրայ ինկած, իրարու կռթնած, իրարու նեցուկ ըլլալ ուզող ցաւագին ուսերու պէս՝ քովէ քով կը շարուէին ու վախկոտ ու ողորմակ երեւոյթով մը, ներողութիւն կը խնդրէին կարծես, այդ բարձունքէն, իրենց բնակիչներուն ապրիլ յանդգնելու ոճիրին համար :

Այդ երգիւքները կանգուն մնացեր էին նորէն : Բռնութիւնը՝ քիչ մը ուշ մնացած ու ա՛լ յափրացած, ժամանակ ու ախորժակ չէր ունեցեր ամբողջական քանդումի վայել-

քին յամենալու հող : Գիւղին այրերէն մաս մը մորթեր էր շտապով ու գիւղացիներուն բոլոր տաւարն ու պաշարը առեր տարեր էր :

Կուշտ ու կուռ Եղեռնին ու ծանրաբեռն թալանին մեկնումէն վերջ, սուգի և անձկութեան գիշերներուն երկարատեւ զարհուրանքէն ջախջախուած, սպառած՝ երբ այրիներն ու որբերը դադրեր էին պահ մը կոծելէ, հեծկտայէ, երբ արցունքը ցամքեր, լուեր էր աչքերուն մէջ ու աղիքները սկսեր էին պոռալ սովալլուկ որովայններուն խորէն՝ այն ատեն է որ ծայր տուեր ու բռնաւոր ու անողոր ուժգնութեամբ մը բնդհանրացեր էր յուսահատ շուարումը, սանձակոտոր, գերագոյն խուճապը :

Անթի՛ի էին . . . բայց ո՞ւր էր հացը :

Նայուածքները, մթին զահանդանքով մը, փայլատակեր էին. ձեռուրները, ջղաձգական երկարումներով, պրկուեր էին պարապին մէջ :

— Հա՛ց, հա՛ց, հա՛ց, կը ճըւային սլողտիկները :

Ու մայրերը՝ իրենց զաւկներուն աղաղակներէն խելակորոյս՝ դռներէն դուրս նետուեր, սար ու ձոր ինկեր էին, քաղերու,

ժողուելու համար ինչ որ մարդկօրէն — ա-
նասնօրէն իսկ—կարելի էր ուտել, ծամել:

*
**

Անկէ ի վեր, տարի մըն էր կ'ապրէին: Ի՞նչպէս: Իրենք ալ չէին գիտեր:

Երբեմն, հեռուներէն, այսպանական օգ-
նութիւններ հասեր էին, երկարելու համար
իրենց այս տեսակ մը անվերջ հօգեվարքը:
Ժամուն դուռը հաց բաժներ էին իրենց, ու
Տէրտէրը, ջերմեռանդ մաղթանքներով,
պատուիրեր էր իրենց աղօթք ընել թանկա-
զին կենացը այն հայ բարերարներուն, ու
րոնք՝ հեռաւոր երկիրներու առատութեան
ու պերճանքին մէջէն՝ իրենց մտածեր, իրենց
ողորմեր ու իրենց համար հաց զրկեր էին:

Ու անօթութենէ չբացուիլ յամառող կը-
զակներէ՝ անէծքի պէս խուլ ու խոպան օրհ-
նութիւններ դուրս եկեր էին...

Յետոյ, կրօնքին մարդիկը հասեր էին,
հեւ ի հեւ, հոգիի դիակներ որոնող ազ-
ուաներու պէս: Օ՛ դժնէ տողանցութիւնը
կրօնական մարդօրսութեան այդ վայրագ
միջնորդներուն: Ասոնք ալ հացի պատառներ
ներտեր էին գիւղացիներուն առջին, խոս-
տանալով անոնց՝ Արքայութեան յախտենա-

կան կերուխումի սեղանին հետ ու անկէ ա-
ռաջ՝ երկրի ամէն օրուան հացին ապահո-
վութիւնը... Եթէ ուզէին մտնել Տէրօջը
ճամբան: Սովատանջ հայ գեղջուկները՝ այս
չնական սակարկութենէն գայթակղած՝ նախ
մերժեր էին ուրացումին պիղծ հացը, յետոյ
զայն չէին գտեր այլեւս:

Բայց հետզհետէ օգնութիւնները կը
պակսէին:

Հեռո՞ւն, անորոշ հորիզոններէն ու ան-
ծանօթ սահմաններէն անդին գուշակուած,
երազուած, օրհնուած բարերար սրտերը կը
կարծրանային, կը դոցուէին, բազմաշխատ
մարտողութիւններուն այլամերժ խափանու-
մովը: Քրիստոնէական Գթութիւնը, քմահաճ
ու յեղյեղուկ պառաւ, յագեցած, յոգնած
էր այլեւս Հայ Տառապանքէն, և ուրիշ կողմ
կը դարձնէր իր շարուած ժպիտները, ու-
րիշ տեղ կը պատցնէր իր յայրատ ու թոմ-
թըռկած միսերը:

Ու մոռցուած, կորսուած հայ գիւղին
մէջ, կակիծով կշտացող խեղճ մայրերը, խե-
լայեղ անկարողութեամբ ու յուսահատեցու-
ցիչ արհաւիրքով, կը դիտէին իրենց զուկը-
ներուն ամէն օր աւելի դեղնիլ, ամէն օր ա-
ւելի նիհարնալ, ամէն օր աւելի մահանալը:

Կամաց կամաց շրջակայ լեռներն ու արտերն ալ մերկացեր էին ամէն կանանչէ։ Ամէն բուսականութիւն խանձեր, չորցեր էր։ Ի զ՛ւր՝ սար ու ձոր ինկած՝ վայրի խոտեր ու արմատներ կը փնտուէին։ Ի զ՛ւր՝ տժգոյն ու ցաւագին էակներ՝ հողին ծռած, հողին կառչած, հողին ապաւինած, հողին վրայ քաշկռտուելով՝ անկէ կը յուսային, անկէ կը սպասէին, անկէ կը խնդրէին իրենց սնունդը։ Բնութիւնը՝ ամուլ ու խորթ մայր՝ ինքն ալ երես կը դարձնէր անոնց։ Հողն էր հիմայ որ կը կանչէր, կը քաշէր, կ'ուզէր զիրենք, ու փոխանակ իրենց կեանք տալով՝ աչք անկեր էր իրենց կտոր մը անկենդան կեանքին, կուլ տալ կը ցանկար զայն, կարծես յագեցած չըլլար դեռ ու պէտք ունենար մարդկային դիակներու, արգասաւորելու համար իր ցամքած կողերը։

Գիւղին ողջ մնացած էրիկ-մարդիկը, ատեն մը, անկարող ու գլխիկոր, իրենց կիներուն և զաւկըներուն շուրջը երերաբկացեր էին, իրենք ալ անոնց պէս, անոնց չափ տառապելով, բայց անխօսուկ, գրեթէ ամօթահար՝ անոնց օգնութեան հասնիլ չկրնալնուն։ Անոնց ձայնը լսել, անոնց նայուածքին հանդիպիլ, անոնց ձեռքէն բռնելը այ-

րող, լլկիչ ցաւ մը, կրծող, կակծիչ խղճի խայթ մը դարձեր էր իրենց։ Բայց ի՞նչ ընէին։ Վարուցանը անկարելի էր։ Քիւրտերը տարեր էին իրենց եզներն ու արօրները։ Ու եզկելիները՝ դժնդակ, այլ դուցէ արգար ճակատագրականութեան մը զայրոյթին տակ կորաքամակ, անօգուտ ու դատապարտուած գոյութիւններու անսահման պարտութիւնովը կը յածէին հիմայ, իրենց երկու քովերն ի վար կախ պտտոյնելով սարկական թեւեր, որոնք՝ Ինքնապաշտպանութեան առնական ժէսթերուն անընդունակ՝ զրկուեր էին աշխատութեան ու հացի կուրին զէնքերէն։ Անոնք կը զգային տարտամօրէն — ու ասիկա ամէն օր քիչ մը աւելի կը հեռացնէր զիրենք գիւղէն — թէ իրենց կիներն ու զաւկըները չէին ներեր իրենց՝ հօր ու երկան պէս մեռնիլ գիտցած չըլլալին։ Վերջապէս՝ ճարահատ՝ իրարու ետեւէ ձգեցին, գացին զիւղէն, ուրիշ տեղ մը աշխատանք ու հաց գտնելու յոյսով՝ իրենց ու իրենցներուն համար։

Կացութիւնը անհնարին դարձեր էր գիւղին մէջ։ Ատենէ մը ի վեր, ամէն օր, անօթութենէ մեռնողներ կը թաղէր Տէրաէրը։

* * *

Դարկահա՛ր, հերարձա՛կ, իրենց վտիտ մարմիններուն ողբալի մերկութիւնը հազիւ ծածկած պատառատուն գրգռեալներով, ու մթամած, գրեթէ կոյր նայուածքնին վայրահակ՝ խումբ մը կիներ, ամառուան հրակէզ արեւին տակ, կ'երթային դանդաշելէն, լուռօրէն ու տաժանքով կը քաշկուտուէին Մեծ ճամբէն, ուրկէ բեռնաւոր կարաւաններ, սպառազէն ձիաւորներ ու շղթայակապ աքսորեալներ կ'անցնէին շարունակ, և որուն ծայրը չէին գիտեր՝ ո՞ւր կը յանգէր :

Ամէն անգամ որ ոտնաձայն մը կը լսուէր, յանկարծ, ամէնքը մէկ, կը սթափէին իրենց ծանր քնէութենէն, կը յնցուէին իրենց զգայասպառ անդամներուն տաժանելի խարխալանքովը ու մեքենաբար կը պատրաստուէին խայտառակ ու անհրաժեշտ կեցուածքին, պիղծ ու ստիպողական շարժումներին :

Երբ հեռուէն անցորդը կը նշմարուէր, տժգոյն ու մահատիպ էակները կը սկսէին անհղօրէն, խելայեղօրէն ժպտիլ . . .

Երբ անցորդը տակաւ իրենց կը մօտենար, կմախսած և ուրուականները իրար կ'անցնէին, տենդոտօրէն տատանելով, ու բնազդաբար կը ճգնէին, կը ճարտարօրէին պրշրանքի քստմնելի ու աղելսարչ ծեքծեքումներ

րով, հրապուրանքի լկտի ու կսկծագին կարկառումներով անծանօթին ընդառաջ շտապել ինքնամատոյց :

Մահու և կենաց գերագոյն ըոպէն էր ասիկա : Պէ՛տք էր կեցնել անցորդը, պէտք էր արթնցնել, զայրացնել անոր մոլուցքը, ու՝ դիւրին ու հրէշային յագեցումին փոխարէն՝ հացի կենարար պատառ մը խլել անոր ձեռքէն :

Ու իրենց մարած, խռոչացած աչուրները չափազանցօրէն կը բացուէին, կը կենդանանային, ախտաւոր ու խոստմնառատ նայուածքներով հրավառ :

Հացին ջախջախիչ, այլամերժ, անդիմադրելի ակնկալութիւնն էր, որ այդ սովաբեկ արարածներուն մէջ կը լուեցնէր, կը մեռցնէր ամէն գիտակցութիւն, ամէն խղճահարութիւն, ամէն ամօթխածութիւն :

Երբ անցորդը իրենց մօտ կը հասնէր, — օ՛ արհաւիրք, — կենդանի դիակները պարել կը սկսէին, խօ՛ւ, դիւային, մեռելակա՛ն սպար մը . . . : Անցորդը կը կանչէին, անոր ճամբան կը կտրէին, զայն կը պաշարէին, ու կը խընդային, կը ցատքէին, կ'երգէին, կ'ոռնային անոր առջև, գինով ու անառակ ու խելագար գալարումներով :

Ու այդ ամայի ճամբուն վրայ, այդ կիզիչ ու մոլեգրգիւ աբեւուն տակ, անցորդը — յաճախ քիւրտ աւազակ կամ թիւրք զապ-
թիէ մը — արամադիր էր փորձուելու, որքան ալ այսպանական ըլլար փորձութիւնը, որքան մանաւանդ եղեւնական ու սոսկալի՝ յա-
գուրդի արարքը :

— Պատառ մը հա՛ց, պատառ մը հա՛ց, կը ճուային ամէնքն ալ, ու ճղակտոր զգայ-
ուումներով վեր վերցնել, մատուցանել կը ճզնէին իրենց սոկրեղէն իրաններուն ողորմելի աւերակները :

Անցորդը կ'իջնէր ձիէն, իր տոպրակը կը բանար, քանի մը պատառ հաց կը նետէր անոնց առջին, անոնցմէ մէկը կ'ընտրէր, ու ճամբէն դուրս կ'ելլէր, քիչ մը հեռուն, թու-
փերու տակ առանձնանալու համար իր ընտ-
րածին հետ, որ անասնական համակերպու-
թեամբ մը, կը հեռուէր իրեն, շարունակելով մոլեղնօրէն խածնել իր մնաթափ ձեռուրնե-
րուն մէջ բռնած հացի պատառը, մինչդեռ անդին, իր բազդակից քոյրերէն ոմա՛ք իրա-
րու բերնէն կը յափշտակէին վերջին փշրանք-
ները, և ուրիշներ՝ իրենց բաժինը հոգեկին սեղմելով ցամքած կուրծքերնուն վրայ՝ ճամբէն կը հեռանային և դէպի տուն կը վազէին,

օգնութեան հասնելու իրենց մահամերձ —
գուցէ մեռած — զաւկըներուն :

0*** գիւղէն էին ամէնքն ալ: Այլի մայ-
րեր ու որբ քոյրեր, զորս իրենց ու իրենց-
ներուն անօթութիւնը հող քշեր, բերեր էր հրմշտկելէն:

Ո՞վ ունեցեր էր այդ յուսահատ գաղա-
փարը: Ո՞վ աւեր էր առաջին, ահաւոր քայ-
լը: Չէին գիտեր: Բայց ա՛լ իրենց մնացած՝
միակ միջոցն էր ասիկա՝ Մահուան դէմ մա-
քառելու: Ու է՛ն դաժան պարկեշտութիւն-
ները, է՛ն զրահաւոր առաքինութիւններն իսկ
կը յաղթուէին, զինաթափ ու անձնատուր
կ'ըլլային՝ անօթութեան անողոք խածատում-
ներուն տակ: Ու բարի գեղջկուհիները՝ ան-
դիմադրելի, անագորոյն հարկէն չարաչար
բռնադատուած՝ մէկիկ մէկիկ ձեռք կ'առնէին
Ամօթին ճամբան:

**

Սառա, այդ իրիկուն, չէր կրցեր գոցել
իր աչուրները: Երկու պզտիկները՝ երկար
ժամերով լայլ ու վայելէ սպառած՝ անկիւն
մը ինկեր, թմրեր էին ու իրարու քով կը
մրափէին հիմայ: Սառա՝ մտմտալու իսկ ան-
կարող՝ ներսի հոծ խաւարին մէջ արձանա-

ցած կը մնար, ամբողջ էութեամբը ականջ տարով խուլ, անդոհական կողկանձիւնի մը, որ կը հասնէր անընդհատ, գիշերին խորերէն:

Երկու օրէ ի վեր հացի փշուր մը անգամ չէր մտեր իրենց դռնէն ներս: Ու Սառան միս մինակ էր այլեւս, ու իրեն մնացեր, իր մատղաշ ուսերուն բեռցուեր էր երկու պղզտիկներուն հոգը:

Հայրը, մշակ խաչօն, Աղէտքին գիշերը, ուշ ատեն, օրն ի բուն տատելէ յոգնասպառ վերադարձած միջոցին, սպաննուեր էր Քիւրտերէն: Քանի մը օր վերջը, գիւղէն քիչ հեռու, փոսի մը եզերքը գտնուեր էր իր դիակը, ահուելիօրէն կրճատուած: Եղկելի խաչօն այնքան ալ դժբախտ չէր մեռեր: Մահը յանկարծակիի բերեր էր զինքը, ու ան չէր տեսեր իր օճախին պղծումը, իր ունեցած-չունեցածին կողոպտումը: Գրեթէ ամիս մըն էր որ խաչօի այրին, Կիւլիզարն ալ թաղեր էին: Իր երեք զակրները պահելու, սնուցանելու համար՝ ինքզինքը կրկնապէս զրկեր, իր բերնին պատառը անոնց բերանը թխեր էր, ու անոնց ու իր տառապանքին չկրնարով տոկալ, խեղճ անձնուրաց մայրը հալեր, մաշեր, յամառեր էր մինչեւ վերջը, ու օր մըն ալ՝ հիւանդ, խոր-

տակուած՝ ինկեր էր երեսի վրայ, ու ա՛լ չէր կրցեր ոտքի ելլել:

Մօրը մահուընէն վերջը, Սառան զգացեր էր իր չորսդին լայնցնող ցուրտ պարապը: Ինքզինքը բռներ էր, չզլտորելու համար յուսահատութեան բերանաբաց անդունդին մէջ: Արիացեր էր: Տասնըվեց տարու էր ինքը, եօթը տարեկան քոյր մը ու աւելի փոքր եղբայր մը ունէր: Պէտք էր որ ապրեցնէր զանոնք, ինչպէս ու ինչ միջոցով որ ալ ըլլար: Ու երիտասարդ մօր մը պէս կարիճ՝ Սառան հրաշքներու կարող եղեր էր: Անկարելիին զարնուեր, անոր երեսները ճանկրութեւր, զայն յաղթեր էր, ու վերջապէս յաջողեր էր, ամիսէ մը ի վեր, սովամահ կորնչելէ փրկել իր երկու սիրական ձագուկները:

Բայց քանի օր է, Սառային բազմը դարձեր էր: Ի զուր կը մաքառէր ան օրն ի բուն: Ո՛ր ո՛չ մէկ բան կը յաջողուէր իրեն. ամէն ճիգ, ամէն միջոց ապարդիւն կը մնար: Ո՛չ որ իրմով կը շահագրգռուէր գիւղին մէջ: Ամէնուն ցաւը կը բաւեր իրեն: Ու ա՛լ ամէն դուռ կը գոցուէր իր առջեւ, ամէն դէմք կը դառնար իրմէն:

Եւ Սառան մինակ զգաց ինքզինքը, միս-

մինակ ու լքուած , զատապարտուած ամէնէն
 ու ամէն բանէ , մի՛ս-մինակ ու անկարող ,
 անպաշտպան Սովին արիւնխանձ երախին
 առջեւ , որ ամէն վայրկեան քիչ մը աւելի
 կը բացուէր ու կը սպառնար կուլ տալ իր
 և իր երկու պղտիկներուն անարիւն կեանքը :

Ա՛հ , եթէ Մխօին հանդիպէր . . . : Ա՛լ
 խոժոռ չպիտի նայէր անոր , ժպտէր պիտի
 անոր երեսին , անուշ խօսքերով անոր պիտի
 մտնենար ու անոր օգնութիւնը պիտի հայ-
 ցէր : Բայց ո՛ր էր ան հիմայ . . .

Մխօն նշանածն էր Սառային , ու քիչ
 ատենէն պսակուելու , տուն-տեղ ըլլալու
 էին , երբ Աղէտքը վրայ հասեր ու ամէն յոյս
 ու որոշում քանդեր , թաղեր էր : Մխօն այն
 աղուոր ու հուժկու կտրիճներէն էր , որոնք ,
 Վտանգին գիշերը , ծակէ ծակ պահուրտելով ,
 յաջողեր էին իրենց մորթը անվթար ազա-
 տել : Մխօ Սառայի տունը կը գտնուէր , երբ
 Քիւրտերը գիւղը խուժեր ու դռները փ
 առեր էին : Լեղապատառ՝ կռնակը դարձու-
 ցեր էր նշանածին ու տանիքէն փախեր էր ,
 ակնթարթի մը մէջ : Յաջորդ օրերը , երբ
 հանդիպեր էր Սառային , ամէցեր էր անոր
 երեսը նայելու , անոր նայուածքը կրելու :
 Սառան զգուանքով անցեր էր Մխօին առ-

ջեւէն , առանց բառ մը ըսելու , առանց
 բարեւ մը տալու անոր : Սառան կ'արհա-
 մարհէր ու կ'ատէր այլեւս իր նշանածը :
 Մխօն ասիկա զգացեր էր , ու այնուհետեւ
 խոյս տուեր էր Սառային հանդիպելէ : Ու
 իրեն պէս վատօրէն ճողոպրած այրերուն ե-
 տեւէն՝ ինքն ալ օր մը հեռացեր էր գիւղէն ,
 սրտին մէջ տանելով Սառայի նայուածքին
 հոն բացած վէրքը , որ չէր գոցուեր ու
 կ'արիւնէր շարունակ :

Սառան յոյս չունէր սակայն Մխօն վե-
 րագտնելու : Հարցուփորձ ըրեր ու տեղեկա-
 ցեր էր որ ան ալ գիւղէն մեկնած էր բա-
 ւական ատենէ ի վեր : Սառան կը զգար որ
 անօգուտ էր զայն հանդուրժելու , անոր հետ
 հաշտուելու իր տխուր զիջումը : Շտառ ուչ էր
 ատոր համար : Եւ յետոյ , ի՞նչ պիտի կրնար
 բերել իրեն Մխօն , իր յուսահատ մաքառու-
 մին մէջ . պիտի կրնա՞ր նեցուկ մը ըլլալ իրեն
 ու իրեններուն , գիւղին ահաւոր կացու-
 թեանը մէջ : Ատ ալ անստոյգ ու անհաւա-
 նական բան մըն էր : Ու գերագոյն ակնկա-
 լութեան անհրաժեշտ ու կենսական պէտք
 մըն էր լոկ որ մղեր էր Սառան , իր անձկու-
 թեան մէջէն , Մխօին մտածելու :

Ոչինչ ուրեմն , ոչ մէկ յոյս կը մնար իրեն ,

ու մինա՛կ, մինա՛կ էր Սառան իր երկու որ-
բիկներուն հետ, որոնց համար հաց ճարելու
էր սակայն, ամէն գինով...

Մութ խրճիթին մէջ Սառան չէր կրնար
փակել իր աչուրները: Երկու պղտիկները կը
չարունակէին մրափել, իրենց տենդոտ քու-
նին մէջ երբեմն անորոշ բառեր, մեղմ ու
խուպոտ ճիչեր զառանցելով: Դուրսէն, խուլ,
անդոհական կաղկանձիւնը կը հասնէր շա-
րունակ գիշերին խորերէն:

Սառա կը յիշէր հիմայ այն խորհրդաւոր
ու վրդովիչ խօսքը, զոր իրեն ըրեր էր իր
մէկ գրացուհին, որուն գիմեր էր, այն առ-
տուն, խելք մը, ճարճարակ մը խնդրելու
համար:

—Մեծ ծամբա՛ն, Սառա՛, Մեծ ծամ-
բա՛ն...: Վա՛յ մեր գլխուն...: Ա՛լ ուրիշ
ճար չկայ մեզի...: Մեծ ծամբա՛ն, Սառա՛,
Մեծ ծամբան, ըսեր էր ան, գողահար ձայ-
նով մը ու տարօրինակ աչքերով:

Սառան նախ չէր հասկցեր, բայց իր
յամառ ու ստիպողական պնդումներուն վրայ,
խեղճ կնիկը խոստովաններ էր իրեն ահարկու
իրականութիւնը:

Սառա, իր անարատ կուսութեան բոլոր
ընդավզումովը, սարսուացեր էր այդ քստմնելի
իրականութեան առջեւ:

Չ.Մ. 1927.12.27

Չէ՛, ատիկա չէր կրնար յանձն առնել,
կը նախընտրէր մեռնիլ...: Բայց պղտիկ-
ները...: Հարկաւ դեռ ուրիշ միջոց մը
պիտի գտնէր հաց ճարելու անոնց:

Սառա ակռաները սեղմեր ու չորսդին
ինկեր էր: Բայց ամբողջ օրը չարաչար
փնտուելէ յուսակաւոր՝ իրիկուան տուն դար-
ձեր էր ձեռնունայն:

Երկու պղտիկները, զայն տեսնելուն
պէս, ուրախութեան խելայեղ աղաղակներ
արձակելով, ցատկեր նետուեր էին անոր
վրայ, անոր փէշերուն պլլուեր էին:

—Հաց բերի՛ր մեզի, սիրո՛ւն քուրիկ...
Տո՛ւր, շուտ տո՛ւր... Անօթի՛ ենք...

Սառա կատաղութեամբ խածեր էր իր
լեզուն, չպութկալու, չոռնալու համար ներ-
սիդին ուռեցող, իր կուրծքն ու հոգին բը-
զըքտող, պատուտող կսկիծը:

Ի՛նչպէս կրցեր էր գիմանալ պղտիկնե-
րուն արցունքին... Ի՛նչպէս կրցեր էր լսել
անոնց աղէկաւոր վայնասունը... Ի՛նչեր
գտեր էր ըսելու, զանոնք յուսադրելու, ա-
մաքելու համար, մինչեւ որ ուժասպառ ու
նուաղուն ինկեր, լսեր էին անոնք...

Սառա կը զգար սակայն հիմայ թէ յա-
ջորդ օրը արհաւիրալի օրն էր, ուր ա՛լ կա-

րելի չափտի ըլլար իրեն անոնց երեւալ, անոնց վրայ նայիլ, անոնց խօսք ուղղել, առանց նախ հաց տալու անանց :

Վաղորդայնին այս չարաշուք յաճախանքը զինքը արթուն ու անձկագին պրկումի մը մէջ կը պահէր, թէեւ ինքն ալ հլածած, քայքայուած ըլլար խոնջէնքէ ու անսուաղութենէ :

Դուրսը, տակաւ պղտորիլ սկսեր էր աղջամուղջը :

Սառա յանկարծ սկսաւ դողալ վերահաս արշալոյսին մտածումէն, սարսափէն : Յուշիկ մը ոտքի ելաւ : Անկիւնը նայեցաւ խենթութեան աչքերով : Սառա շունչը բռնած, ոտքին ծայրերուն վրայ կոխելով, գնաց մեղմիւ դուռը բացաւ, ու դուրս նետեց ինքզինքը :

*
**

Մահաշունչ լռութիւն մը կը ծանրանար, կը ճնչէր թմրած գիւղին վրայ : Ա՛լ չէր լսուեր հիմայ դժխեմ կաղկանձիւնը որ խաւարին խորերէն ուլուլեր էր գիշերն ի բուն : Սովամահ կեանք մըն ալ դուցէ, որ դագրեր էր տառապելէ ու դերագոյն հանգիստը գտեր :

Սառա, ատեն մը, թափառայած չըջեր

էր գիւղին մէջ, առանց չորս դին նայելու, առանց բան մը նշմարելու, դարձեր ու դարձեր էր միեւնոյն ճամբաներէն, իր անձկութենէն քշուած, տարուած գէպի անստոյգն ու անկարելին գիմելու այսահար հապճեպով մը : Խորաուբորա ուղիի մը դարձքին՝ յանկարծ ինքզինքը եկեղեցիին դրան առջեւ գտեր էր : Սառա պահ մը կանգ առեր էր ու անբացատրելի նայուածքով մը երկաթէ խաչը սեւեռեր էր, որ դրան վրայ բազկատարած կը ցցուէր : Սառա բնագրական շարժումով մը, վեր առեր էր իր աջ ձեռքը, բայց զայն ճակտին հաղիւ տարած՝ ձգեր էր նորէն : Յետոյ, մէկէն ետ դարձեր էր ու գահավէժ քայլերով սկսեր էր հեռանալ գէպի բացաստանը, որուն առջեւ կ'իջնար, կը տարածուէր ամբողջ ամայի հովիտը, ուր ասեւնով կու գար իր նայուածքը հանգչեցնել ցորենի անսահման ու ոսկեփայլ անդաստաններու վրայ : Լուսադէմի այդ աղբբեկ միջոցին, հովիտը անհուն, գորշորակ շամանգաղներով քողարկեր, պարուրեր էր իր ամօթալի ու զոչոտող մերկութիւնը :

Սառա հոգ կը կենար անշարժ, երբ հորիզոնը սկսաւ շառագունիլ և աղթարանը գանգաղօրէն ու վեհաշուքօրէն բացուեցաւ :

Ու Սառա տեսաւ որ, նորածագ լոյսին հետ, գիւղը կը սթափէր իր ախտաւոր թմրութեանէն, ցաւերը կ'արթննային, անձկութիւնները կը վերյառնէին, հոգեվարքները կը հոնգային, ու այս բոլորին վրայէն ու մէջէն Անօթութիւնը, իր բողոքի ու օգնութեան, աղերսանքի ու մոլեգնութեան վիթխարի վայնասունը կը փրցնէր, կ'ոռնար, կ'երկարածէր զարհուրելիօրէն:

Դռները կը բացուէին հետզհետէ, ու հերարձակ, խելացնոր կիներ դուրս կը խուժէին, իրենց լարագին զակներուն աղաղակներէն հետապնդուած:

Ու անոնք կը փախչէին, կը հեռանային, հովիտին կողմը կը շտապէին, և իրարու ետեւէ, իրար հպանցելով, առանց իրարու հետ բարեւ մը, բառ մը փոխանակելու, դարվար կ'իջնէին, ցաւազինօրէն ուխտաւորութելով դէպի յուսահատ ու անիծապարտ Պատարագը մօր, որբեւայրիի ու Հայուհիի իրենց պատիւին:

Սառա, հեռուէն, սկսաւ անդիտակցօրէն, անխուսափելիօրէն հետեւիլ Սովի ողորմ թափօրին:

*
**

Մեծ ճամբուն վրայ, ուր առաջին անգամ ըլլալով ոտք դրեր էր, Սառա կ'երթար հիմայ վարանտա ու երերուն քայլերով:

Արեւը շատոնց բաժնուեր, բարձրացեր էր հօրիզոնէն ու Սառա՝ հազիւ ծածկուած հին հագուստի մը ծուէններովը՝ անողոր ճառագայթներուն այրուցքը կը զգար իր մարմին վրայ:

Երկարատեւ զրկանքներէն, անձկազին հսկումներէն ու ամենօրեայ տաժանելի խոնջէնքներէն նիհարցեր, աւրուեր էր իր առոյգ ու հասուն կոյսի շքեղ մարմինը. իր լանջքին հպարտ ու հզօր ալիքը ցամքեր էր, իր հարուստ ու հոյակապ բարձքերը հալեր, տափակցեր էին, ու իր հաստակերտ այլ վայելուչ հասակը քիչ մը կքեր էր: Իր գէմքը սակայն՝ տժգոյն ու ծիրած՝ պահեր էր իր ամբողջ հրապոյրը, կարծես աւելի աղուորցեր էր, տարօրինակ ու աղելխարշ գեղեցկութեամբ մը. իր երբեմնի նունակարմիր շրթունքները՝ Յաւէն երկարօրէն, տարփոտօրէն համբուրուած՝ գունաթափեր էին ու դառն ծալքն աւեր կանխահաս ապրուած ճառապանքին. իր այտերը՝ հատած ու դալկատիպ՝ ազնուական ու ախտաւոր շնորհք մը՝ հազեր էին ու իր սև խորունկ աչուրները՝

մթազնած ու կապուտածիր՝ վրդովիչ ու եղբերական ցուքով մը կը տենդալառէին :

Սառա մինչեւ հող շարունակեր էր հետեւիլ իր համագիւղացի կիներուն : Բայց Մեծ ճամբուն վրայ, իր քայլերը ակամայ դանդաղեր էին : Աչուրները՝ լոյսի շլացուցիչ ողողումին տակ՝ սկսեր էին մթննալ, ու պահ մը վերջը ա՛լ բոլորովին կորսնցուցեր էր միւսներուն հետքը :

Անհնարին նուաղում մը կ'ընկճէր հիմայ իր մէջ ամէն կորով, հողին կը սփայէր խոնարհիլ զինքը, ու Սառա գերմարդկային ճիգեր կ'ընէր, կանգուն մնալու համար իր հէգ, կթոտ սրունքներուն վրայ :

Յանկարծ առնական բիրտ ձայն մը լսեց : Սառա անգիտակից մղումով մը ցնցուեցաւ : Ո՛ւր էր, ի՞նչ կ'ընէր, ի՞նչ բան ունէր հող, ո՛ւր կ'երթար, ի՞նչ կը փնտռէր Ոչի՛նչ կրցաւ ճշդել, ոչի՛նչ կրցաւ ըմբռնել, կարծես նուաճուած, շղթայուած ըլլար ախտազին քնէութեան մը կամ մղձաւանջային երազի մը մէջ, ուրկից չկրնա՛ր սթափիլ, հակառակ իր բոլոր շփոթ, այլ նկրտող կամքին :

Չայնը կրկին զարկաւ Սառայի ականջին, այս անգամ աւելի ուժղին, աւելի որոշ :

— Ո՛ւր բարով, կեավուրի աղջի՛կ . . .

Սառա կանգ առաւ դանդաղկոտ : Աչքերը կուրորէն սեւեռեց ու հազիւ կրցաւ նշմարել, քանի մը քայլ հեռուն, իր դէմը ցցուող անծանօթ ու դաժան երեւոյթը :

Սպառազէն քիւրտ ձիւտոր մըն էր :

Սառա շարժեցաւ, թեւերը պարապին մէջ երկնցուց, ու է բանի մը կռթնելու անսահման, անդիմադրելի պէտքովը : Ա՛լ ճար չէր մնացեր վրան յառաջ երթալու կամ ետ դառնալու : Սպառած, ընկճուած՝ պիտի իյնար, տախտապարէր հող, ա՛լ անկարող յամառելու :

Աչքերը գոցեց ու զգաց տարտամօրէն որ իր ոտքերը հողէն կը կտրէին ու իր ամբողջ մարմնովը՝ վերցուած կը տարուէր : Սառա ինքզինքը ձգեց, իր բոլոր էութեան դերագոյն լքումովը :

Քիւրտն էր, որ անոր մօտեցեր, անոր մէջքէն բռներ, զայն—թեթեւ ու դիւրաբեկ վարդենի՝ որ փուշ իսկ չունէր ինքզինքը պաշտպանելու—անութին տակ առեր էր, ու միւս ձեռքով ձիուն սանձէն բռնած՝ կը շեղէր հիմայ Մեծ ճամբէն :

Մացառուտ թուփերու տակ, ահա՛ յուշիկ մը վար գրաւ ան իր ցաւազին բեռը, քիչ մը հեռուն գնաց, իր ձին քարի մը

կապեց, անոր վրայէն տոպրակը վերցուց, ու Սառային քով դարձաւ, նստեցաւ :

Քիւրտը բացաւ տոպրակը, հացի խոշոր շերտեր հանեց դուրս ու Սառային երկնցուց, անոր ձեռքը դրաւ, խոթեց զանոնք :

— Ա՛, ու, կե՛ր, կեալուրի սիրո՛ւն աղջիկ...

Սառա, որ կէս նուազուն ու գրեթէ զգայազիրկ վիճակի մը մէջ անշարժացեր, փռուեր էր, մէկէ՛ն թոթուրտայ : Աչուրնե՜րը բացուեցան, ոնգունքները սարսուացին, ու հպումէն, հացին հոտէն, հացին տեսքէն խելաբերած, խելայեղած՝ յափշտակեց, ճիւրանեց զայն, պիրկ ու վայրագ մատներով ու օրհասական բուռն ճիգով մը կզակը բացած՝ սկսաւ մոլեղնարար խածնել :

Քիւրտը՝ այդ ահաւոր տեսարանէն զուարճացած՝ դիւային հեղնութեան ժանտ ծամածուումով մը, կը խնդար ու կը կրկնէր շարունակ .

— Կե՛ր, կե՛ր, կեալուրի սիրո՛ւն աղջիկ, կե՛ր... Հալալ հաց է... Հայու ցանած, Հայու հնձած ցորենի հաց է, կե՛ր...

Սառա մտիկ չէր ըներ, չէր իսկ լսեր : Կողին վրայ երկնցած, սովալլուկ անասունի ջղաձգական գալարումներով ու խուլ, խըռպոտ հեւքերով, կը շարունակէր ան խածնել,

հացի պատառին կառչած, կարծես ակռայ ակռայի, կոկորդ կոկորդի կռուելով անոր հետ :

Բայց Քիւրտը ա՛լ դադրեր էր խնդալէ : Ու պահ մը վերջը՝ իր ծառայող մոլուցքը յագեցնելու անհամբեր՝ Սառային քով նետուեցաւ ան, իր բիրտ ու հուժկու թեւերուն մէջ առաւ զայն, սեղմեց, կռնակի վրայ տարածեց, ու յայրատ ու անողոք մագիլնե՜րով սկսաւ գգուել, ճմւթկել աղջնակի այդ փխրուն մարմինը, ու անձնատուր ըլլալ անոր եղեռնական, հրէշային լլկումին...

Ու դժնդակ, զարհուրելի, եղերական ու չարաշուք բան մը եղաւ ասիկա :

Սառա չընդդիմացաւ, առջի բերան : Գլուխը անդին գարծուցած՝ ու հացի պատառը ակռաներուն մէջ սեղմած՝ ալ անկէ զատ բան մը տեսնելու, զգալու անկարող, ամէն բան մոռցած, ամէն բանի համար մեռած՝ կը շարունակէր խածնել, մինչդեռ՝ իր գազանային մոլուցքին ամբողջ զայրոյթով ու ծանրութեամբը՝ իրեն փաթթուած, իր վրան ինկած Քիւրտը իր խամբած, ցամքած կուսութիւնը կը լափէր անհնարին մոլեղնութեամբ մը :

Բայց՝ կամաց-կամաց՝ իւրաքանչիւր պա-

տառին հետ զոր տաժանքով կուլ կու տար՝
թմրած, լուս՝ դիտակցութիւնը արթնցաւ
Սառայի ներսիդին: Ան սկսաւ ինքզինքին
գալ, ու պահ մը վերջը արդէն կը հասկնար
բովանդակ արհաւիրքն ու խախտութիւնը իր
դիրքին:

Խենթութեան փայլակ մը անցաւ յանկարծ
Սառայի աչքերէն: Հացի վերջին պատառը՝
դեռ կիսատ՝ քաշեց նետեց իր բերնէն:

Քիւրտը, խուպոտ ու տաժանագին հեւքով
մը սկսեր էր հռնդալ:

Սառայի շրթունքները դողացին վրէժի ու
երանութեան անպատում ժպիտի մը մէջ:
Աչքերը կէս մը դոցեց ու ձեռքը յառաջ
տարաւ: Արժաթապատ, շողարձակ դաշոյն
մը՝ Քիւրտին մէջքէն կախուած՝ իր արգանդը
կը խոցէր: Սառա, ակնթարթի մը մէջ,
քաշեց զայն փայլուն պատեանէն ու Քիւր-
տին կուրծքին մէջ մխրճեց կատաղօրէն:

Հացին ուժն էր, որ բիրապատկուած
կենսականութեամբ մը, խուժեր էր վայրի
աղջկան բազուկներուն մէջ:

Արիւնի թանձր ալիք մը ժայթքեց Սա-
ռայի երեսին:

Քիւրտը՝ սրտէն զարնուած՝ փռուեցաւ
դիտապատ: Ու Մահուան հռնդիւնը խեղ-
դեց իր կոկորդին մէջ սիրոյ հռնդիւնը:

Զ Ա Ի Ա Կ Ը

Զ Ա Ի Ա Կ Ը



Կարաւանը կը քաշկռտուէր Աւերումին ճամբաներէն :

Հայ պանդուխտներ էին, աղամայ սխաւներ, որոնք, աղէտքի իրիկուն մը, բռնի դուրս հանուեր էին Ստամպուլի խաներուն խորերէն, և զորս, առանց երկար բարակ հարցուփորձի, քշեր տարեր էին ու ամէնքը մէկ — շուարած մարդկային արջառ — երդներ՝ նաւու մը վերնայարկը, իրենց խեղճուկրակ բռթիներուն հետ : Գիշերին մէջէն հեռանալու բռնադատուած այդ եղկելիները նախ կարծեցին թէ ծովամայն կորնչելու կ'առաջնորդուէին — գլխիկոր զոհուողներ որ իրենց մահը կասկածելու միայն կարող էին այդ սարսափի ու արիւնի օրերուն — ու լճու, Սեւ Ծովուն բարկութեանը վրայ, նայուածք

նայուածքի և հոգի հոգիի՝ Ոճիրին սպասեցին : Եղան որ՝ այդ ահաւոր սպասումին անձկութենէն խենթեցած՝ կանխել ուզելով անխուսափելի ճգնաժամը, փոթորկայոյց ալիքներուն երազուած գթութեանը ապաւինեցան : Ուրիշներ, կամաւոր անէացումի տարօրինակ համաճարակէ մը կարծես բռնուած, անոնց հետեւեցան : Բայց տաճիկ նաւապետը, Յամաքին ատելութիւններէն հեռու, ծովերու ջինջ մեկուսացումին մէջ իր սկզբնական արատներէն մաքրագործուած սրտցաւ ծերունի մը, գուշակելով այդ խելայեղ ամբոխին արհաւիրքը, իջաւ զայն հանդարտեցընելու ու սիրտ տուաւ անոր, մօտեցող վաթանին ապահովիչ խօսքը ընելով :

Տրապիզոնէն՝ ձիաւոր ոստիկաններով շրջապատուած, ջախջախուած, հրմշտկուած՝ ճամբայ ինկաւ՝ իրենց Հայրենիքը արսորուողներուն կարաւանը :

Ու օրերով քալեցին կորաքամակ, հեւ ի հեւ : Անսահման տարածութիւններէ անցան : Հայրենի հողը ցամբեր էր ծայրէ ծայր : Յորենի դաշտերը՝ Սովին սպառնական խուտումովը՝ ամայացեր էին, ու՝ ամէն բուսականութենէ լերկ գետնին վրայ՝ մարդու նայուածքը կը մրկէր կտոր մը կանանչի կա-

րօտէն : Քաղաքներուն ու զիւղերուն կեանքը անշարժացեր էր, ու փակ պատուհաններուն ետեւէն մարդկութեան մնացորդներու լքումին հոտը կու գար :

Երբեմն, սեպ դարվերի մը կողին՝ Ստրկուկութեան թափօրին առջեւ կը ցցուէր սպառազէն քիւրտ լեռնական մը, որ՝ իր խրոխտ հասակը հրացանին կռթնցուցած՝ իրեն համար միայն ազատ միջոցը կը խուզարկէր տիրական նայուածքներով : Կամ ուրիշ մը, որ իր նժոյգին փաթտուած ու փոշիի ամպով մը պարուրուած կը սուրար, իր ետեւէն սիրոյ կամ վրէժի յանկերգ մը շղթայաձգելէն, այսպէս շրջակայ համայնապատկերին մահաշուք գեղեցկութիւնը ամբողջացնելով :

Տեղ տեղ, տաժանագին ճամբուն երկայնքը, կանգ կ'առնուէր, ու քանի մը հոգի, գիմացի հորիզոնին վրայ իրենց հայրենի կոչնակին գիմաստուերը նշմարելով, կ'անջատուէին խումբէն ու՝ ոստիկաններուն հսկողութեանը տակ՝ դէպի իրենց ատենով ապրած անկիւնները կը շտապէին : Բայց ոմանք գեռ հազիւ բաժնուած կարաւանէն՝ վազնիվազ կը հասնէին անոր ետեւէն, կը խառնուէին, կը հետեւէին անոր, պատմելով, հեծկտալով իրենց ցաւի ընկերներուն ա-

կանջն ի վար՝ հիմնայատակ անհետացումը իրենց բնավայրերուն : Ու իր քարուքանդ օճախին առջեւ անգամ մըն ալ՝ ու առ յաւէտ՝ վտարանդի Հայը՝ վիզը ծռած կ'երթար նորէն, անձանօթ ու եղբայրական երդիքի մը յոյսով :

Սուտու մը, մթնշաղին, երբ դժուարին առապարէ մը կ'ելլէր կարաւանը, Մարտիրոս մէկէն ի մէկ իր գեղը տեսաւ, որ բլրակի մը կուշտին վրայ՝ մինակուկ ու անվթար՝ կծկտեր, կղզիացեր էր, անգիտակից կարծես՝ միեւնոյն երկինքին տակ՝ իրմէ քիչ մը հեռուն՝ բոլոր անցած դարձածներուն :

*
**

Գեղը դեռ քունի մէջ էր : Մարտիրոս վտահաբար իր տանը դուռը զարկաւ : Չայնձուն չէր ի գար ներսէն : Պահ մը կենալէն վերջը, Մարտիրոս կրկնեց դրան վրայ իր հարուածները : Նազըւ, աչքերը քունով լեցուն, ցատկեց անկողինէն, աճապարանքով հագուեցաւ ու վար իջաւ : Ո՞վ կրնար ըլլալ առտուան այդ ժամուն իր դուռը ափ առնողը : Մարտիրոս սեմին վրայ անհամբեր կը սպասէր, երբ կնոջ վարանոտ ձայն մը լրսուեցաւ դրան ետեւէն :

— Ո՞վ է ան . . .

— Բայ, Նազըւ, քե մեռնեմ, ձեռիդ մեռնեմ, էրիկդ՝ Մրտօն, բայ . . .

Նազըւ, յանկարծակիի եկած ու իր ահամայ երկարատև որբւարիութեան բովանդակ տրտում համակերպութեանը տակ ցրնցուած՝ ցաւագին ու կասկածոտ երկիւզի վայրկեան մը ունեցաւ այդ աղբսարկու ձայնին ի լուր : Անբնական, անհաւատալի Անակընկալին բիրտ ու յեղակարծ բաղխումն էր այս իր հրաժարումի ու մոռացման յանձնառու հոգիին : Ու առջի բերան չուզեց հաւատալ իր ականջներուն : Բայց բանդագուշանք մը չէր աս : Մարտիրոս կրկնեց, ողորմակ .

— Բայ, Նազըւ ջան, բայ . . .

Նազըւ իր վաղանցուկ հարսնութեան հեռաւոր անցեալին մէջ փնտռեց այդ ձայնին յիշատակը . քիչ մը մաշած, խռպտած, բայց նոյնն էր ան, իր մարդուն ձայնը : Նազըւ բացաւ դուռը, ու էրիկ կնիկ երկարօրէն համբուրուեցան, արցունքոտ գիրկընդխառնումի մը մէջ : Նազըւ ներս տարաւ հանգչեցոց իր խեղճ յոգնած Մրտօն, սեղան դրաւ անոր համար, ու ջուր տաքցուց՝ ճամբուն քարերէն անոր արիւնած պատուած ոտքերը լուալու համար :

*
**

Տասնըհինգ տարուան բաժանումէ մը վերջը, ճակատագրին վայրագ քմահաճոյքը իրարու գիրկ կը նետէր, կը միացնէր զիրենք, երբ արդէն գրեթէ մոռցած էին իրարու գոյութիւնը :

Նոր հարս, նոր փեսայ՝ հազիւ վեց ամիս իրարու սէր վայելեր էին : Մարտիրոս, առտու մը, ձգեր էր Նազլուն լալազին ու ծոցւոր՝ ու ճամբայ ինկեր էր դէպի Պոլիս, իր պապենական աւանդատուր արտերը ազատելու համար Վանեցի հայ վաշխառուի մը նենգաւոր զխումներէն :

Քսան սարեկան հուժկու տղայ՝ Մարտիրոս բռնակիր եղեր էր անմիջապէս, ու ատեն մը տքացեր էր Ստամպոլի գժնդակ փողոցներուն մէջ : Յետոյ Կեսարացի հայ վաճառականի մը ծառայութեանը մտեր էր, իր վայելչագեղ հասակին ու յանկուցիչ կերպարանքին շնորհիւ : Եւ արդէն երեք տարուան պանդխտութիւն ունէր իր ուսերուն վրայ, երբ Մարտիրոս օտապաշխութեան գերակշիռ դիրքին բարձրացաւ : Օտապաշխասիկա երազել իսկ չէր համարձակած : Խանին դուռը բազմիւ, խահուէ ու սիկարա քաշել ու հրամայել պանդուխտներու խումրի մը, ամէնքէն յարգուած, բարևուած ու այդ

խեղճ ստորագասներէն վախցուած : Իր վիճակին այս անյուսալի փոփոխութիւնը գինոյցուց Մարտիրոսը : Իր ունայնամիտ գեղջուկի հոգին սկսաւ կամացկամաց անշատուիլ երէկուան յարումներէն ու համոզումներէն : Իր պարտքը վճարուած, լմնցած էր, ու քիւմէրը՝ բաւական լեցուն, բայց Մարտիրոս չէր մտածեր վերագառնալ Նազլուի քաղցր ու լքումէն աւելի աղուորցած ծոցը : Ատենը մէյ մը դրամ կը զրկէր անոր, ու շատ հեղ, իրիկունները, գլուխը օղիով բռնընկցուցած՝ կը մնորէր Ղալաթիոյ շիւ անկիւնները, իր վաւաշտ խըռօի բաց, շոյիքոտ բերանը, իր խոլոռ արիւնոտ աչքերը պտտոյնելով կոյանոցային մերկութիւններու ցուցադրութեանը առջեւէն :

* * *

Նազլուի յլութեան վերջին ամիսները՝ իր էրկանը մեկնումին սուգովը մթնցան : Տասնըեօթ տարեկան էր ան, երբ իր առջինեկը ունեցաւ, կայտառ ու վարդագոյն մանչուկ մը որուն գալուստը զինքը քիչ մը մտիթարեց, երիտասարդ մայրութեան մը կաթոգին գորովովը :

Փախչող տարիներուն հետ Նազլու կամաց

կամաց վարժուեցաւ իր սպասումի տրտում՝
ճակատագրին : Իր հարազատ ու դիմացկուն
գեղեցկութիւնը անզբաղ ըզձանքներ արթըն-
ցուց իր ետեէն , բայց Նազըու՝ ջերմեռան-
դօրէն հաւատարիմ՝ Բացակային՝ անտարբեր
ու ապստամբ կը մնար սիրահրաւէր փորձու-
թիւններու : Քանիցս , թաուտներուն զով
ստուերին կամ բլուրին կածաններուն մէջ
կատաղաբար կռուեր էր ան տարփոտ յար-
ձակումներ ընկրկելու համար : Պատահեր ալ
էր որ՝ ամառուան ցորենի արտերուն արևատ
գինովութեանը մէջ , միատեղ դատանքին
պահուն՝ իրեն քսուող քրտնաթոր արունե-
րու մոլուցքին հօտը իր առոյգ ու զրկուած
իգովթիւնը թունդ հանէր , իր յուռթի այլ
անարգաւանդ թողուած կողերէն սարսուռ
մը անցընէր , բայց Նազըու գիտցեր էր բռնել
ինքզինքը , զսպել իր ներսիդին ծառայող
հզօր մայրութիւններու բողբը , ու մինչև
վերջը՝ ամէնուն ցանկութեանը առարկայ՝
խստամբեր ու անվթար որբւարիութեամբ մը
սպասեր էր :

Օրերը կ'անցնէին , իրարմէ արագ , ու
Մարտիրոս ալ վերագարձի խօսք չէր ընէր
իր ցանցառ նամակներուն մէջ : Տունն ալ եր-
թալով պարպուեր էր : Նազըու թաղեր էր

հետզհետէ Մարտիրոսի հայրն ու մայրը , ու
րոնք իրենց զաւկին կարօտէն աչուրնին բաց
մեռեր էին : Ու Նազըու միս մինակ մնացած
իր մանչուն հետ՝ անոր մէջ տեղաւորեր էր
բոլոր անյագուրդ խանդաղատանքը իր զոհ-
ուած կեանքին :

Վարդան՝ Նազըուի միակ սփոփանքը՝
մեծցեր էր անոր մայրական շունչին տաքու-
թեանը մէջ , անոր պաշտումի թեւերուն ու
մոլեռանդ նայուածքին տակ : Եօթը տարե-
կան էր երբ օր մը իր մայրը զայն գեղին
դպրոցը տարաւ : Նազըու—որ կը ստիպուէր
Տէրտէրին դիտութեանը դիմել երբ էրկանը
թղթիկ մը գրելու պէտք ունենար—ուղեց որ
իր զաւակը կարգալ-զրել սորվի :

* * *

Վարժապետը թուխ երկար մօրուքով ու
աղանդաւորի կրակոտ աչքերով երկտասարդ
մըն էր . հռուներէն եկած , իր աննշան ու
անշահախնդիր պաշտօնին կամաւոր խոնար-
հութեանը մէջէն՝ զինքը շրջապատող գեղ-
ջուկներուն անձանօթ՝ սխրալի երազի մը հե-
տապնդելով :

Սուրբ բերան տարտամ ու վախկոտ կաս-
կածանքներ արթնցեր էին իր շուրջը : Տարօ-

րինակ բաներ կ'ըսէր, վառօդ հոտող խօսքեր կ'ընէր այդ մարդը, ու իրենց ծնած օրէն ծռելու վարժուած ստրուկ հողիները զահանգած կը դոյուէին, կը պահուըտէին անոր ամենի ներկայութեանը հանդէպ: Բայց իր անխնայ անձնութիւնը, իր անսպառ հաճոյակատարութիւնը կրցան վերջապէս զինքը սիրցնել ամէնուն: Ծերուկ Տէրտէրը միայն չվատահեցաւ անոր ու շարունակեց զայն վրտանդաւոր ու դիւական էակ մը նկատել: Վարդան, քիչ ատենէն, իր է՛ն ու իմ ու է՛ն սիրական աշակերտը եղաւ ու՝ կարդալ-գրել սորվելէն ի վեր՝ ամէն վայրկեանի բարեկամ մը՝ որուն հետ կապուեր էր ան եղբայրական անբակտելի կապերով, որուն իր հաւատքը, իր յափշտակութիւնը փոխանցեր էր: Միասին երգեր էին, լերան կիրճերուն մէջ, հպարտ երգեր, ու միասին տակնուվրայօղ ընթերցումներ ըրեր էին: Եւ երբ օր մը, թիւրք զարթիւններ եկան բռնել Վարժապետը ու շղթայուած զայն դեղէն դուրս հանել՝ անիկա կտակարարի դերագոյն նսյուածքը Վարդանի աչքերուն յառած՝

— Շարունակէ՛, ըսաւ անոր:

*
*
*

Վարդան գիւղին վարժապետն էր տարիէ մը ի վեր, երբ իր հայրը ճանչցաւ: Հասարակ հանդիպումի պէս բան մը եղաւ իրեն համար՝ ամենօրուան իր ճամբուն վրայ՝ յանկարծական երեւումը այդ մարդուն որ ոչինչ կը յիշեցնէր, ոչինչ կը բերէր իրեն:

Մարտիրոս հողին դառնալ փորձեց, ներողամիտ ու կենարար հողին զոր տասնըհինգ տարի շարունակ մատնեւ էր: Իր խոսքան ձգուած արտերը դնաց ու իր ժանգոտած արօրին առջև՝ հարկաւոր ոգորումին մտածումէն ընկճուած՝ զգաց իր չգործածուած բազուկներուն անկարողութիւնը: Քաղաքը այլասերեր էր զինքը. խաներու և զինետուններու թունաւոր մթնոլորտին մէջ, իր հողին կորսնցուցեր էր կարօտը վաստակաւոր հերկումներու առողջ հրճուանքին: Բայց իր յախուռն ու բռնի վերադարձը զինքը բաւական մաքրեց իր երկար ու կամաւոր պանդըխտութեան կեղտերէն, ու Մարտիրոս յամառեցաւ, ամբողջ մեղանչումներու անցեալ մը քաւելու խղճահարութիւնովը: Քիչ քիչ վարժուեցաւ ան՝ մաճէն բռնած՝ իր եղներուն հետեւելու: Բւ ընտանի կեանքը՝ խաղաղ միօրինակութեան մը մէջ՝ վերսկսաւ:

Վարժապետին ձերբակալումէն ի վեր — որ

ժերունի քահանային շրթունքէն ազատումի
 «Փա՛ռք քեզ Տէր» մը թռցնել տուեր էր—
 որ և է բռնութիւն չէր պատահած գիւղին
 մէջ, ու ան դեռ անմասն կը մնար վիթխարի
 Պատուհասէն որ՝ ամէն տեղ ահագնորէն իյ-
 նալէ վերջը՝ անոր քովէն անցեր էր, չնչմա-
 բերով զայն իր կործանումի ճամբուն եր-
 կայիբը: Գիւղացիները բնազդաբար զգացեր
 էին սակայն անոր անխուսափելի ճակատա-
 գրականութիւնը, հեռաւոր հորիզոններուն
 վրայ անոր մերձեցումին զարհուրանքը ոգեր
 էին, ու լուռ ու շնչատ կը սպասէին հիմայ
 անոր :

*
 **

Հրոսակային խումբը՝ Քիւրտ Պէյի մը
 հրամանին տակ՝ եկած գեղը նստած էր :
 Շարաթէ մը ի վեր կ'ուտէին, կը խմէին,
 կ'երգէին, կը պարէին : Գիւղացիները մէկիկ
 մէկիկ իրենց շտեմարանները կը բանային,
 իրենց կաթն ու մեղրը, իրենց ուլերն ու
 հաւերը կը բերէին ու կը փութային՝ դո-
 ղահար՝ իրենց ձեռքովը դնել անօրէն խրախ-
 ճանքին սեղանը: Օրն ի բուն ողորմելի գիւ-
 ղացիին ձմեռուան կեանքը լափիլգելով յըզ-
 փանալէ վերջը, Քիւրտ հրոսակները՝ մութը

կոխելուն պէս՝ կ'ելլէին, տունէ տուն կը
 շրջէին, իրենց տափոտ գազանի զայրացած
 կիրքերուն յագեցումը փնտռելու հայ աղջիկ-
 ներուն, հարսերուն ու գեղանի հասուկ կի-
 ներուն պղծումին մէջ: Արցունքն ու պաղա-
 տանքը անօգուտ էին ու դիմադրութեան
 մտածելը յանդուգն ֆիւմեր մը կը թուէր
 ամէնուն: Արդէն Բիւրտերը ազդարարեր էին
 թէ իրենց գիշերային այցելութիւններու մի-
 ջոցին չէին ուզեր էրիկ մարդու երես տես-
 նել, և վա՛յ անոր որ համարձակէր իրենց
 հանդիպիլ տուններուն մէջ կամ տուներէն
 դուրս: Ու բոլոր Հայ ամուսինները, հայրերն
 ու եղբայրները՝ իրենց կիներուն, աղջիկնե-
 րուն ու քոյրերուն սարսափահար նայուած-
 քին տակ, գիշերները, ծակէ ծակ կ'ապա-
 տանէին, առաջին ոտնաձայնին:

Ութերորդ իրիկունն էր և դեռ շատեր
 կը սպասէին իրենց կարգին :

Յանկարծ բռունցքի ուժով հարուածներ
 լուռեցան Մարտիրոսի տան դրան վրայ :

Նազլուի գէմքը մէկէն ի մէկ մոխրի
 գոյն կարեցաւ: Մարտիրոսի ձեռքերը սկսան
 դողդալալ: Վարդան ոտքի ելաւ, անսովոր
 ցուրտով մը աչքերը վառուած :

Վարը, իրենց վայելքի ախորժակներէն

մտրակուած, անհամբեր Քիւրտերը կը շարունակէին դուռը ձեծել հրացանի ճօկաններով ու կը պոռչակէին .

— Ծուռ ըրէ՛ք, բացէ՛ք դուռը . . . ապա թէ ոչ ջարդուփշուր կը հանենք ու ձեր արևնովը կը ներկենք կտորուանքները . . .

Մարտիրոս, ձեռքերը անդգալաբար իր ետին, կուշտերուն ու կռնակին մէջ խօթել, կորսնցնել, մոռնալ ջանալով, իր կնկանը, Նաղլուն նայեցաւ, աղաչաւոր, պաղատագին աչքերով :

Նաղլու հասկցաւ իր բաղդը : Ճրագը առաւ ու դանդաչելէն դէպի դուռը յառաջացաւ : Բայց Վարդան դնաց բռնել իր մօրը ձեռքէն ու խանդաղատագին շեշտով մը՝

— Ո՛ւր կ'երթաս, մայրի՛կս . . . Չե՞ս գիտեր թէ ինչո՞ւ եկած են այդ շուները . . . կեցի՛ր, ես երթամ . . . կեցի՛ր, մայրի՛կս . . .

Նաղլու իր զաւկին սպառնացող վտանգին ահուգողէն կարծես մեռնիլ սկսելով՝ ցաւազինորէն ժպտիլ փորձեց, հանդարտեցնելու համար զայն ու ետ կեցնելու՝ իր մահացու մտազրուածենէն :

— Չէ՛, զաւակս, բան չիկայ . . . Հոգ մի ըներ . . . Տեղէդ մի՛ շարժիր . . . Ես բան մը կու տամ, կը ճամբեմ այդ շուները . . . Հոգ մի՛ ըներ, զաւակս . . .

Վարդան, պահ մը վտահայած, կանգ առաւ ու հօրը նայեցաւ : Մարտիրոս աչքերը դարձուց ամօթահար : Նաղլու ճրագը բռնած սենեակէն դուրս ելաւ ու սանդուխէն վար իջաւ : Հայր ու տղայ դէմ՝ յանդիման մնացին : Ու Վարդան մտթին մէջէն՝ տակաւին իր հօրը կը նայէր ու Մարտիրոս՝ մութին մէջէն՝ տակաւին անդին կը դարձնէր իր աչքերը, իր զաւկին աչքերուն պատահելու վտանգն :

Մէջ մըն ալ, վարէն վայրագ ուրախութեան ձայներ լսուեցան որոնց մէջ Նաղլուն սրտակաուր հեծկտանքը կը խեղդուէր : Վարդան հառաչանք մը զսպեց ու դէպի դուռը վազեց : Բայց, հայրը որ մինչեւ այդ վարկեանը անշարժ գամուէր էր իր անկիւնը, մէկ ստտումով իր զաւկին վրայ նետուեցաւ ու զայն իր թեւերուն մէջ բռնեց :

— Կա՛յ, ա՛յ օղու . . . Չայն մի՛ հանիր . . . կը լսին . . . Վեր կուգան . . .

Վարդան հօրը ձեռքէն ինքզինքը ազատել նկրտելով՝

— Չէ, սիտի իջնամ . . . մա՛յրս է . . . Չպիտի ձգե՛մ . . . Պիտի իջնամ . . .

Մարտիրոս ինքիրմէն ելած՝

— Կա՛ց . . . Շա՛ն որդի . . . Ո՞ւր կ'ուզես
երթալ . . . Մեղ կը սպաննին . . .

Վարդան կրկնեց կատաղօրէն .

— Թո՛ղ . . . վատ հոգի . . . Թո՛ղ որ եր-
թամ . . . Մա՛յրս . . . կնի՛ կգ . . . Թո՛ղ պաշտ-
պանեմ . . .

Ու հայր ու տղայ խաւար սենեակին մէջ ,
իրարու փաթթուեցան , ու ողի ի բռին , մն-
լեղին կռիւ մը սկսան : Մարտիրոս՝ խելակո-
րոյս , առիւծ կտրած՝ վախնալով որ Գիւրտերը
կը լսեն իր զաւկին ձայնը ու վեր կուգան՝
պրկուած , երկաթէ մատները անոր կոկոր-
դին դրաւ ու բոլոր ուժովը սեղմեց : Վարդան
հռնդին մը արձակեց ու ինկաւ իր հօրը
եղեռնական թեւերուն մէջ :

Մարտիրոս յուշիկ մը դետին դրաւ իր
զաւակը ու մութին մէջ աչքերը դիւահարօ-
րէն բացած՝ սպասեց . . . :

*
**

Երբ Գիւրտերը հեռացան՝ Նազու ընկ-
ծուած , սպառած՝ տաժանագին ոտքի ելաւ
ու սանդուխէն վեր քաշլուտուեցաւ : Սենեա-
կին սեմին վրայ , Ոճիրը լուսաւորող ճրագը
ձեռքին մէջ՝ ծռեցաւ , ինկաւ խորտակուած ,
ու չուզելով հաւտալ իր աչքերուն , ծունկին

վրայ մօտեցաւ իր զաւկին , յետոյ էրկանը
վրայ գնաց ու իր խելայեղ մօր ուժասպառ
այլ ահաւոր բազուկները անոր գլխուն սպառ-
նալով՝ պոռաց անոր երեսն ի վեր .

— Ի՞նչ է աս . . . Ի՞նչ ըրիր . . . Վա՛տ . . .
Ոճրագո՛րծ . . . Ի՞նչ ըրիր . . .

Մարտիրոս կռնակը պատին տուած , թե-
ւերը կախ , իր ամբողջ ահագին հասակովը
թօթուրտալէն՝ անհասկանալի բառեր կը թո-
թովէր ու աչքերը խղճիխայթին փոթորիկէն
խտրու ու շիլ՝ դէպի զաւկին դիակը կը նա-
յէր , կը նայէր . . . :

Անցեալին նայուածքն էր աս կարծես ,
ստրկացումի ու վատութեան ամբողջ անց-
եալի մը , ուր Հայը անընդունակ ինքնա-
պաշտպանութեան ու անկարող իրաւարար
ընդվզումին՝ չէր վարաներ սակայն իր ձեռ-
ունները եղեռնին սեւութեանը մէջ թաթ-
խելու :

Նազու իր յուսահատութեանը մէջ մտա-
ծեց , վայրկեան մը , ձգել , փախչիլ այդ
անիծուած տունէն . պիտի նախընտրէր իսկ
Գիւրտերուն ծառայութեանը մտնել ու լեռնէ
լեռ հետեւիլ անոնց՝ քան թէ շարունակել
կենակցիլ իր էրկանը հետ , ա՛յնքան բուռն
ու անհանդուրժելի էր պժգանքը որ այդ
մարդը կ'ազգէր իրեն :

Բայց յանկարծ յոյսի ու երանութեան
աղաղակ մը փրթաւ Նազլուի կուրծքէն :
Վարդան շարժում մը ըրեր էր : Նազլու
զաւկին մարմինը դրկեց զառանցելէն : Վար-
դան աչքերը բացաւ մեղմօրէն , ու մայր ու
զաւակ , խելայեղ գիրկնդ խառնումի մը մէջ
չրթունք չրթունքի՝ հծծեցին .

— Մայրի՛կս . . . խեղճ . . . անո՛ւշ . . .
մայրի՛կս . . .

— Զաւա՛կս . . . կարի՛ճ զաւակս . . .

Ու հայրը , փախչելով իր սթափող զաւ-
կին Նայուածքէն , տունէն դուրս սողակեցաւ
ու հեռացաւ գիշերին մէջ :

Պ Ա Ռ Ա Ի Ը



Պ Ա Ռ Ա Ի Ը

Գիշերին մէջէն ինծի կը հասնէր անոր վայիւնը կողկողագին, և ուշ ժամերու իմ տքնաջան հսկումս կամ հազիւ սկսող մրափս կը խանգարէր :

Գրասեղանիս առջեւ գրիչը ձեռքէս կը ձգէի մէկէն, կամ անկողնիս մէջ ընդոստ կը շիտկուէի՝ ականջ դնելու համար պահ մը այդ աղիողորմ վայիւնին, որ խուլ, յամառ, անվերջ թափով մը կ'ելլէր Պառաւին ցամաքած լանջքէն, կ'երկարաձգուէր, կը յաւերժանար օտարութեան անկարեկիր գիշերին գերկը .

—Վ՛ո՛ւյ, վ՛ո՛ւյ, վ՛ո՛ւյ . . .

Լօնտօնի համեստ թաղերէն մէկը, Արամեաններու յեղափոխական քօմիթէին իբրեւ կեդրոնավայր ծառայող խոնարհ տան մը

գետնայարկէն էր որ այդ ողբակոծ ձայնը կու գար կը խռովէր զիս ամէն իրիկուն, հանդիպակաց բաւնախօսի իմ սենեակիս մէջ :

Յերեկին, «Կեդրոն»ը դանուած ժամերուս, առիթ կ'ունենայի յաճախ տեսնելու Պառաւր :

«Մայրիկ» կ'ըսէին անոր ամէնքն ալ : Եւ, իրա՛ւ, մօր մը խնամքը կը տանէր ան հոգմնացող կամ ազկէ անցնող տարազիր յեղափոխներուն : Անոնց կերակուրը կ'եփէր, կը թափէր, անոնց լաթը կը լուար, անոնց անկողինը կը դնէր, կը վերցնէր, անոնց խզմեթը կ'ընէր, անդուլ ու անտրտունջ եռանդով մը :

Իր հոգիէն, իր աղիքներէն կարծես բան մը տուեր էր այդ մարդոց, բան մը՝ որմէ չէր կրնար վազ անցնիլ երթալ և զոր չէր ալ կրնար ստիպողաբար պահանջել անոնցմէ : Սրտի անխզելի կապ մը, արիւնի անլքելի հաշիւ մըն էր որ կը կապէր Պառաւր այդ խտադէմ ու գիտախուլ երիտասարդներուն, որոնք «ընկեր»ներն էին իր կորսուած զաւկրներուն, և որոնք օրն ի բուն ու մինչեւ կէս գիշերները՝ բարձրագոյ կը վիճէին անհաւոր, խորհրդաւոր ու իր խելքին անմատչելի բաներու մասին :

Անոնք վերն էին, Կեդրոնի «Սալօն»ին մէջ, լայն սեղանի մը շուրջը որ կը տքար

թերթերու ու թղթերու յարաճուն շեղակոյտի մը տակ, և որուն վրայ կ'իջնէին բունցարի իրենց դաժան հարուածները՝ երբ վիճաբանութիւնը կը տաքնար :

Ամէն անգամ որ՝ դաւադրութեան ու սաղբանքի այդ «որջ»ին մէջ, սուրճ կամ թէյ կը տանէր անոնց, պաղչկեցնելու համար իրենց ամեհի ու մշտաբորբ հրայրքը, Պառաւր կը յամենար անոնց մօտը, անոնց շուրջը, առանց ոչինչ հասկնալու անոնց տենդաշոյղ ու զայրադին խօսակցութենէն, բայց անձկոտ ուշադրութեամբ մը, անոնց շրթներուն լարուած՝ կարծես մասնաւոր բառի մը, հոգեւին սպասուած անունի մը ակնդէտ . . .

Օրուան որոշ ժամերուն՝ երբ թղթաբերը կը զարնէր դուռը, Պառաւր փութով կը վազէր բանալու . թերթերն ու նամակները վեր կը բերէր ու զանոնք յեղափոխներուն յանձնելէ ետքը, կը կենար հոն, անոնց գլխուն վերեւ, ու անհանդարտ, անհամբեր կերպարանքով մը կը նայէր անոնց, մինչ անոնք կարմիր մելանով ծածկուած թուղթերու վրայ կը ծռէին սեւեռաբեր, կամ ծածկագիր գրութիւններ կը բանային քիմիական հնարքներով : Այդպէս շնչասպառ լուծեան քանի մը վայրկեան սպասելէ յետոյ, Պառաւր կը մօտենար անոնց, ու աղաչաւոր

նայուածքով մը անոնց վայրահակ երեսներուն յառած՝ կը հարցնէր.

— Լուր մը կա՞յ զաւկընէրէս . . . Արա՛մէ՞ս, Սուրէնէ՞ս, Տրդատէ՞ս . . .

Յեղափոխները, դէմքերնուն վրայ կարեկցութեան սրտցաւ արտայայտութեամբ մը, գլուխնին վեր կ'առնէին, ու մեղմիւ կը պատասխանէին .

— Ձէ՛, մայրիկ, նոր լուր մը չի կայ . . .

Ու Պառաւին կրած յուսախաբութեան կսկիծն ամոքելու համար, անմիջապէս կ'աւելցնէին .

— Հոգ մի՛ ըներ, մայրիկ, լաւ են զաւկըներդ, մենք տեղեկութիւն ունինք . . .

Ու Պառաւը իր չորրցած կուրծքին խորէն հառաչ մը կ'արձակէր, ու գլուխն օրօրելէն կ'ելլէր դուրս կ'երթար լուռ ու անմուռնչ .

*
* *

Ա՛հ, Պառաւին զաւկընէ՛րը . . .

Երեքն ալ կորսնցուցեր էր օրին մէկը . . . Իր ծոցէն մեկներ, հեռացեր էին, իւրաքանչիւրը դէպի տարբեր կողմ մը, կարծես մըրիկի մը յորձանքներուն մէջ տարուած՝ որ շուտով անհետ ըրեր էր զիրենք Պառաւին անձկասեւեռ տեսութենէն: Եւ օրերով, շա-

բաթներով, ամիսներով ի զո՛ւր հէգ մայրն սպասեր էր անոնց վերադարձին կամ անոնց վրայով ապահովիչ լուրի մը :

Գէշ հովեր կը շարունակէին փչել դուրսը, կեանքի ժխորտ ճամբաներուն մէջ, անաւոր ու աղէտոգում ձայներ կու գային մինչեւ իր անշուք օճախէն ներս՝ որ գրեթէ մարեր էր իր զաւկըններուն փախուստէն ետքը :

Գիտէր թէ «Սուրբ Գործ»ին համար գացեր էին անոնք . . . Գեռ իր աչքին տակ, իր գիրկն եղած ատեննին՝ անոնք սորվեցուցեր էին իրեն թէ անձնուէր զինուորագրեալներն էին հրաշագործ «Ընկերութեան» բանակին, իր համեստ անակը ժամագրավայր ու թաքըստոց ըրեր էին դազանի խորհրդակցութիւններու և ստորերկեայ դաւերու, մինչեւ իսկ զինքը մղեր էին իր փէշերուն տակ յաճախ պաղ զէնքեր ու վտանգաւոր թղթակցութիւններ փոխադրելու Պոլսոյ մէկ թաղէն միւսը . . .

Հազիւ քանի մը տարի բազդն ունեցեր էր երջանիկ ըլլալու իր զաւկըններուն հետ, անոնց երեսէն խնդալու, անոնցմէ իր կարօտն առնելու: Պօլսահայ ծանօթ վարժարանի մը ընթացքը մեծ զրկանքներով աւարտելէ վերջը, անոնք մէյմէկ բաւարար գործի մտեր

էին Մայրաքաղաքին մէջ, և իրենց առաջին վաստակովը գաւառէն բերել տուեր էին իրենց այրի մայրը, և անոր հետ հաստատուեր, տուն տեղ եղեր էին Գում-Գարուի ժողովրդական թաղին աննշան փողոցներէն մէկուն մէջ: Բայց ընտանեկան այս համեստուկ երգիքը՝ հազիւ կանգնած՝ խորտակուեր ինկեր էր ցեղին ճակատագիրը վճռող մեծ Փոթորկին շանթերէն:

Պառաւր գիտէր թէ իր զաւկըները ազգին ուղղորին խլուեր գացեր էին իր ծոցէն: Բայց խեղճը լուր չունէր թէ ի՞նչ եղեր էին կամ ո՞ւր կը գտնուէին անոնք:

Անոնց անհետացումէն յետոյ, ոստիկանութեան կողմէ քանիցս եկեր անհանգիստ ըրեր էին զինքը, ու մէկ քանի շաբաթ ալ տարեր Կեդրոնական Բանտին քաղցրութիւնները ճաշակել տուեր էին իրեն: Բայց տեսնելով որ Պառաւին բերնէն պիտի չկրնան իրենց ձեռնառու գաղտնիքներ փրցնել, զայն ազատ արձակեր էին, անոր սպառած առօրեայ սեւ հացի քաշինը խնայելու հոգով մը:

Պառաւը վերագարձեր էր իր ամսայացած օճախը, ու հոն, միս մինակ, միացեր էր իր լքումի ու սպասման ողբալի կեանքը, մինչեւ որ իրիկուն մը իր կորսուած զաւակներուն

ընկերներէն մէկը եկեր իմաց տուեր էր իրեն, թէ իր անդրանիկը, Արամ, ծանրապէս հիւանդ վիճակի մէջ, Լօնտօն կը գտնուէր «Ընկերութեան» Կեդրոնավայրը . . .

Այս բոթը կէս աւետիսի մը ազդեցութիւնն էր ըրեր նախ որդեկորոյս մօր սրտին վրայ: Իր զաւկըներէն գոնէ մէկը վերագրտնելու յոյսն էր որ շողացեր էր յանկարծ իր մթագնած աչքերուն:

«Ընկերութեան» մարդը յայտներ էր իրեն, թէ պատրաստ էր աջակցելու իրեն, եթէ ուզէր իշ հիւանդ աղուն մտա երթալ, զայն դարմանելու համար:

Պառաւը հոգեւին փարեր էր այդ հեռապատկերին, և իր ունեցածն ու չունեցածը քանի մը օրուան մէջ ծախելով՝ ինքզինքը արամադրութեանը տակ դրեր էր «Ընկերութեան» գործակատարներուն, որոնք յաջողեր էին Պօլսէն մեկնող վաճառաբարձ շոգենաւու մը վրայ ճամբու դնել զինքը դէպի Լօնտօն:

* *

Արամը թաղեր էինք, երբ աշնան միգամած օր մը թէյովի սօփերը գացինք Պառաւը շոգենաւէն հանելու:

Արամ Կիլիկիոյ մէջ ձերբակալուեր էր և վեց ամիսի չափ բանտային կեանքի անհնա-

րին տանջանքները կրելէն ետքը՝ 96ի ընդհանուր ներումէն օգտուելով՝ ինքզինքը Արաւսահաման ձգեր ու շունչը Քօմիթէին կեդրոնավայրն էր առեր, Ֆիզիքապէս քայքայուած, գրեթէ մահամերձ վիճակի մը հասած : Հոն տախտապարեր էր՝ ա՛լ ոտքի չելելու համար : Թորակառը բոյն դրեր էր իր կուրծքին տակ, ու իր աւերը կը գործէր դահաւիժ արագութեամբ մը : Ընկերները յուսացեր էին փրկել անձնուրաց յեղափոխին կեանքը, և այդ մըտքով հրահանգեր էին Պօլսոյ մասնաճիւղին Պառաւր փութացներու իր հիւանդ զաւկին մօտ, պաշարելու համար զայն իր մայրական կաթովին խնամքովը : Բայց՝ Արամին սնարին վերեւ մահը կանխեր էր իր մեր գալուստը, և շաբաթ մըն էր արգէն որ օտար հողին յանձներ էինք դժբաղդ տղուն մարմինը :

Պառաւին բան մը չըսինք իր զաւկին դառնադէտ վախճանին մասին, անոր ապարինման աւետիսը տուինք իրեն, և աւելցուցինք թէ ան ստիպողական գործով մեկնած էր Լօնտօնէն :

Նախ ապշահար ու կոտկածոտ նայուածքով մը մեզի յառած՝ Պառաւը սահմակեր մնացեր էր քանի մը վայրկեան, անագորոյն յուսավրիպման մը հարուածին տակ կարծես լեզուն բռնուած : Յետոյ ցնցուեր, ինքզինքին եկեր ու հարցուցեր էր անձկազին .

— Հապա մի՞ւս տղաքներս, Սուրէ՞նս, Տրդա՞տս . . . Անոնք ս՛ւր են, ի՞նչ եղան, անոնցմէ լուր մը չունի՞ք . . .

Ու կուտակուած ցաւի բուռն պոռթկումի մը մէջ փղձկեր էր արտասուագին, առաջին անգամ օտարոտի այդ յարկին տակ հնչեցընելով այն խուլ, խռպոտ ու անվերջ վայելնը, զոր այնուհետեւ ամէն իրիկուն պիտի լսէինք գիշերին լութեան մէջէն .

— Վ՛ո՛յ, վ՛ո՛յ, վ՛ո՛յ . . .

Քօմիթաճինները՝ հազար ու մէկ բռնազբօսիկ յորդորներով՝ զինքը հանդարտեցուցեր, ապահովցուցեր էին իր զաւկներուն մասին : Եւ այդ օրէն նոր մայրութեան շրջան մը սկսեր էր իրեն համար՝ իրեն անծանօթ այդ երիտասարդներուն մօտ, որոնք «ընկեր»ներն էին իր բացակայ զաւկներուն :

Տարագրութեան այդ հեռաւոր հանգրուանէն՝ իրենց տառապող ու մաքառող ցեղին ճգնաժամի աղաղակներուն ու մարտիրոսութեան հռնդիւններուն մտիկ ընող ու արձագանգ տուող ըմբօստ ու սգաւոր հողիներուն համար որոնք հող կ'ապրէին, ա՛լ բնական բան մը, ներդաշնակ օրօր մը, կարծես տեսակ մը ցաւակցական յանկերգ դարձած էր Պառաւին գիշերային կողկողանքը .

—Վ՛ո՛ւյ, վ՛ո՛ւյ, վ՛ո՛ւյ . . .

Ո՛չ մէկ դժգոհութիւն, ո՛չ մէկ սրտնեղութիւն ցոյց տուին որ մը օրանց այդ անձայր ու անվախճան սղբուկոծումին հանդէպ: Պէ՛տք էր հանդուրժէին ատոր, պէ՛տք էր քաջէին ատիկա, ու սիրայօժար ընդունած էին ամբողջ տաժանակիր դառնութիւնը այդ յարատե հեկեկանքին: Ատիկա անսաստելի, նուիրական լացն էր մօր մը, որ երեք զուակներ դրած էր յեղափոխական զոհաբերութեան բազինին վրայ: Ատիկա ձայնն իսկ էր ցեղին, որ ամբողջ սերունդներ նետած էր ազատագրական վիթխարի ողջակէզին կրակներուն մէջ:

—Վ՛ո՛ւյ, վ՛ո՛ւյ, վ՛ո՛ւյ . . .

Բայց օր մը պէտք եղաւ հեռացնել այդ վայրենը, երկիր վերադարձնել Պառաւր: Գաւազրական գործին պահանջները կը ստիպէին մեր քօմիթածիները հեռանալ Լօնտօնէն, իրենց կեդրոնավայրը փակելով և իրենց ամբողջ գործունէութեամբը անհետ ըլլալով անկէ: Հետերնին չէին կրնար տանիլ Պառաւր: Ո՞ր պիտի քաշկուտէին խեղճ ազազուն էակը: Աւելի աղէկ էր զայն Պօլիս զրկել՝ ուր գոնէ պիտի կրնար հօծ համայնքի մը և կարեկից հոգիներու աջակցութեանն ապախ-

նիլ: Ըսին անոր թէ իր զուակները Թուրքիա կը գտնուէին, Մայրաքաղաքէն ոչ շատ հեռու, և այս գաղափարը ահագին դօտեպընդում՝ մը եղաւ Պառաւին՝ վերադարձի ճամբան ձեռք առնելու համար: Վերջապէս աւելի մօտ ըլլալու պիտի երթար իր հոգեհատորներուն, որոնք թերեւս աւելի դիւրաւ պիտի վերագտնէին զինքը. կամ գէթ կենդանութեան նշաններ պիտի տային իրեն: Անշուշտ, ոստիկանութիւնը իր վայրագ բրտութեամբը պիտի դիմաւորէր զինքը, կրկին քանի մը օր բանտին քաղցրութիւնները ճաշակել պիտի տար իրեն: Բայց այդ բոլորը հիւլէի չափ վախ չէր ազգեր այլապէս անողոք տաժանքներու վարժուած իր հոգիին:

Եւ օր մը, փոռքին կապած, շոգեհատի մը վրայ ելաւ գնաց Պառաւը Թէյմզի քարափէն, այնպէս, ինչպէս հազիւ տարի մը առաջ, Պօլսոյ նաւահանգիստէն ճամբայ ինկեր էր դէպի Լօնտօն:

Եւ ա՛լ իր վրայով ոչինչ լսեր, իր գոյութեան հետքն իսպառ կորսնցուցեր էի:

* * *

Օսմանեան ազատագրութեան վաղորդայնին զգայացունց ու արբչու օրերն էին: Շատերու հետ ես ալ՝ տարագրութենէ

հեւասպառ վերադարձող մը՝ շունչս Պօլիս
առեր էի, արդէն ուշ մնացած ըլլալու
անձկատուչոր հնհնուքովն ու գոնէ վերջին ա-
զատապանծ ցոյցերուն հասնելու անհամբեր
աճապարանքով մը:

Մայրաքաղաքին փողոցներուն ու հրապա-
րակներուն վրայ ամբոխներու տարերային
հսկայական խուժումները, կուտակումները,
տատանումներն ու ալակործումները գրեթէ
դադրեր էին, բայց խանդավառութիւնը
դեռ կը շարունակուէր ամենուրեք, ու մար-
դիկ՝ իրենց առօրեայ հոգերը, իրենց ներկան
ու ապագան մտռած՝ տակաւին անձնա-
տուր կ'ըլլային խելայեղ սրտազեղումներու:
Ազատութեան անակնկալին յեղակարծ ու
անհաւատալի իրականութիւնն էր որ սարկու-
թեան տակ ճզմուած ժողովուրդին հոգին
չղթայազերծ ըրեր էր ա՛յնպիսի բուռն ուժգ-
նութեամբ մը որ դեռ անկարելի կ'ընէր
անոր վերագտնել իր հաւասարակչութիւնը:

Հայերը մանաւանդ տրամադիր չէին
թուեր շուտով հանդարտելու, ինքնամկրո-
ուելու:

Արտասահմանէն յաղթական Պօլիս մտնող
յեղափոխական մեր քովիթէները զիրար գե-
րազանցել ելեր էին՝ եկեղեցիներու և դըպ-

րոցներու մէջ իրենց սարքած միթինկներովը,
որոնց դունդագունդ կ'երթար ներկայ ըլլալ
երկսեռ հասարակութիւնը, իր առատաձեռն
ծափերով ու թոքապատառ կեցցէներովը
փառաւորելու համար օրուան աւելի կամ
նուազ պերճախօս հռետորները:

Կիրակի մը, Գում-Դաբուի Մայր-Եկեղե-
ցին դացեր էի այս տեսակ միթինկի մը:

Ահագին ամբոխ մը խռնուած էր տաճա-
րին ներքա: Դասին մէջ յարգարուած բեմէ
մը յաջորդաբար խօսեցան երեք նշանաւոր
Գործիչներ, որոնք իրենց պատկանած ար-
տասահմանեան քովիթէին անցեալ սխրա-
գործութիւնները պանծացուցին, ներկանե-
րուն բերանաբաց յափշտակութեանը առջեւ:
Մարտաշունչ երգեր երգուեցան երիտա-
սարդներէ և պատանիներէ կազմուած խում-
բի մը կողմէ որուն կ'առաջնորդէր տիրացու
վարժապետ մը, քովիթէին նոր անդամ դըր-
ուած, ու իր շէ՛Վերուն հաճելի երեւալու
տարապայմանօրէն ջանադիր: Օրուան մեծ
հիւրերը բեմին առջեւ շրջապատուած էին
«ընկեր»ներու և «համակիր»ներու շքախում-
բէ մը, որ հիացական ուշադրութեամբ մը կը
պարուէր զիրենք:

Միթինկը վերջացաւ երկար ու դժբա-

գին ծափահարութիւններու մէջ, ու ներկայ հոծ բազմութեան ալիքը սկսաւ յորդել Մայր Տաճարէն դուրս: Այն ատեն դասին մէջ թափօր մը կազմուեցաւ որուն առջեւէն կ'երթար երգեցիկ խումբը յեղափոխական քայլերդ մը հնչեցնելով: Երեք նշանաւոր գործիչները՝ իրենց շքախումբէն միշտ շրջապատուած՝ կոկողալիզ ու հանդիսաւոր քալուածքով մը՝ կը հետեւէին երգեցիկ խումբին: Այսպէս առօրեաւոր մեր հերոսները դուրս կը հանուէին եկեղեցիէն՝ տեղւոյն թաղական ազաներուն կողմէ պահ մը խորհրդարանին մէջ հիւրասիրուելու և մեծարուելու համար:

Հինգ տասը քայլ հեռուէն ես ալ հետեւեցայ այս փառաւոր թափօրին:

Դուրսը, բակին մէջ, սակայն, ստիպուեցայ կանդ առնել մէկէն: Տարօրինակ տեսարան մը ուշադրութիւնս գրաւեց, զիս ցնցեց քարացուց հող:

Պառաւ մըն էր, կորաքամակ ու դողդոջուն, որ իր կմախացած ձեռուրները դէպի թափօրը կ'երկարէր շղաձգական պիրկ ժէսթով մը, ու զառամած ալեհեր գլուխը վեր վերցնելով՝ կը պուար իր առջեւ ու իր շուրջը գանուող մարդոց:

— Կեցէ՛ք, ձգեցէ՛ք, որ խօսիմ ատոնց... Ըսելի՛ք ունիմ... Ասարժո՛ւ սիրուն, կեցուցէ՛ք, մի ձգէք որ երթան... Դուրսէն, եւրոպայէն եկեր են այդ միլիտանները... Անոնք զիտեն թէ ո՛ւր մնացին իմ զաւկըներըս... Արամս, Սուրէ՛նս, Տրդա՛տս... Հե՛րի՛ն կտրիճները Աքեաներէն, Պատուրու՛ններէն, Թարապուլու՛ններէն ետ կու գան կոր... Ո՛ւր են իմիններս... Տաններկու տարի է կը սպասեմ կոր... Ալ վրաս հոգի չմնաց... Կեցէ՛ք, ձգեցէ՛ք, կեցուցէ՛ք, խօսելի՛ք ունիմ այդ էֆէնտիներուն... Ազատութեան սիրուն ըլլայ՝ թո՛ղ ըսեն ինձի, ո՛ւր են, ո՛ւր մնացին իմ երեք ճիւան աղջըներս... Արամս, Սուրէ՛նս, Տրդա՛տս...

Ու Պառաւը ի զուր կը ճգնէր՝ իր վատուժ թեւերովը՝ մէկդի ընել օրուան հերոսներէն զինք անջատող մարդկային պատուարն ու հասնիլ անոնց մօտ որոնց հետ արիւնի հաշիւ մը ունէր կարգադրելիք:


Հող վխտացող անտարբեր պանդոյրները չէին կրնար հասկնալ իր հոգեսարսուռ աղաղակը, չէին կրնար իսկ ըմբռնել, որ ինք, ցնդած պառաւ մը, համարձակէր մերձենալ օրուան տիրական հիւրերուն, անոնց խօսք ուղղել, զանոնք անհանգիստ ընել:

Ամբոխին կոհակներէն հրմշտկուած՝ պահ մը ինքզինքս Պառախն քովը գտայ: Անմիջապէս երեսս անդին դարձուցի՝ որպէս զի չի ճանչնայ զիս . . . Ի՞նչ պիտի ըսէի իրեն . . . Եւ յետոյ, ինձի սյնպէս թուեցաւ որ ան կոկորդիս պիտի կառչէր ու իր ոսկրացած մատները սրտիս մէջ պիտի խօթէր . . .

— Զաւակներս . . . Երեք ճիւղան կտրիճներս կ'ուզեմ, կը պոռար Պառաւը, հետզհետէ աւելի յուսահատ շեշտով մը, թո՛ղ ըսեն թէ ի՞նչ եղան, ս՛ր մնացին, ինչս՛ւ դեռ մէջտեղ չեղան Արամս, Սուրէ՛նս, Տրդատս . . .

Այս աղետարշ ճիշը ամբողջ անծանօթ գերեզմաննոցի մը ոսկրտիքը կը թափէր կարծես հողիիս վրայ . . . Կ'ուզէի փախչիլ չի լսելու համար զայն . . . Ու մինչ արմուկներուս բոլոր ուժովը բազմութեան մէջէն ճամբայ մը բանալ կը նկրտէի՝ Պառախն մօտէն հեռանալու համար, վերջին անգամ մըն ալ նսոյուած քս դարձաւ աստուածացումի թափօրին, որուն մէջտեղէն երեք նշանաւոր դորձիչները հոյակապօրէն կը քայլին՝ երգերով առաջնորդուած, առանց լսելու Պառախն եղերական ձայնը, որ իրենց ետին կը մնար, կը մարէր, կը խեղդուէր ամբոխային ամեհի ժխորին մէջ . . . :

ԿԱՐՄԻՐ ՇՈՒՇԱՆԸ



ԿԱՐՄԻՐ ՇՈՒՇԱՆԸ

Անցած տարի, «Միացեալ»ի պարահան-
դէսին էր :

Իրթի-Շանի տօնազարդուած սրահէն ներս,
ողեւորութիւնն իր դագաթնակէտին հասած
էր, երբ բարեկամ մը՝ եռուզեռ բազմու-
թեան մէջէն մօտեցաւ ինծի, մտերմաբար
թեւս մտաւ, ու պահ մը ընկերացաւ մենիկ
հանդիսատեսի աննպատակ դեգերումիս՝ կայ-
թող անհամար զոյգերու շուրջը :

Մեր սերունդին բազդաւորներէն էր ան,
Բերացի աշխարհիկ երիտասարդ մը, որ տա-
րագրութեան մաշեցնող, ծերացնող դառնու-
թիւնները չէր ճանչցեր, ու իր բնական մի-
ջավայրէն չի հեռանալով՝ դիտցած էր կեան-
քի ամէնէն հեշտին ճամբաներէն քալել, և
առանց անկարեկիր մը ըլլալու իր ցեղին

տանջանքներուն՝ կրցած էր զերծ պահել ինքզինքը նախորդ ըէժիմին դաժան պատահականութիւններէն :

Եւ հիմայ իր նայուածքը կարօտի կամ խանդաղատումի ո՛չ մէկ հրայրք կը մատնէր հայկական այս երկսեռ ու փարթամ համախումբին դարձած ատեն : Ամէնքն ալ ծանօթ ու սովորական դէմքեր էին իրեն համար, ու մասնաւոր ոչինչ կ'ըսէին իրեն : Մինչգեռ ես տասնեակ տարիներու արտասահմանեան տարակայութենէ մը վերադարձողի բուն զգայութիւններ կ'ունենայի ամէն վայրկեան, ու կրած սարսուղին տըպաւորութիւններս կը հաղորդէի իրեն ամէն քայլափոխի, ի տես համազգի այնքան վայելուչ հասակներու և շնորհալի զիմաստուերներու :

Բայց քաղքենի հայ ընկերութեան պրազէի այս անտարբերութիւնը մէկէն ի մէկ տեղի տուաւ բարեկամիս մէջ տենդոտ շահագրգռութեան մը, երբ ան՝ մատնանշելով ինծի բարեձեւ ու գեղազէմ պարմանուհի մը՝ յարեց .

— Կեցի՛ր, քեզի ներկայացնեմ՝ Օրիորդ Շուշան Սիրաքեանին, զմայլելի էակ մըն է, չա՛տ դո՛հ պիտի մնաս զինքը ճանշալով . . .

Ու հաղիւ թեւս ձգելով դէպի առաջ քայլ մը առած էր, երբ ետ դարձաւ ինծի, ու մեղմ ձայնով մը աւելցուց .

— Գուն քիչ մը վերջը պիւժէն գըտնուէ՛, ես հոն կը բերեմ Օրիորդը՝ իրեն հետ վայրկեան մը պարապելէ ետքը . . .

Քառորդ ժամ յետոյ, կը ներկայացուէի Օրիորդ Շուշան Սիրաքեանի :

Կեանքի մէջ քիչ անգամ կը տրուի մեզի հանդիպիլ կնոջ մը, որուն վրայ այնքան մանկական քաղցրութիւն միախառնուած ըլլայ այսքան կանացի շնորհքի : Գեղեցկութիւնը գոռոզ է գրեթէ միշտ, խստահայեաց ու կարծրածայն, ու կարելի չէ երեւակայել թէ անգթութեան ի՛նչ ահաւոր մթերք մը կը պարփակուի յաճախ մասօնայի երեսով գեղուհիներու սրտին մէջ :

Աղււորութեան ու անուշտութեան այս հազուադիւտ ու հրաշալի խառնուրդը կը մարմնաւորէր Օրիորդ Շուշան Սիրաքեան, որուն հետ այս առաջին հանդիպումն կատարեալ թովանք մը, յափշտակութիւն մը, գինովութիւն մը եղաւ ինծի համար :

Բայց զմայլական այս զգացումը խորունկ ու խռովագին յուզումի մը փոխուեցաւ ներսիդիս, երբ կէս ժամուան խօսակցութենէ

վերջը՝ բաժնուերով Օրիորդ Սիրաքեանէն բարեկամիս հետ անկիւն մը առանձնացայ և լսեցի իրմէ, թէ ո՞վ էր իսկապէս այս աղջիկը, որ պահ մը առաջ այնքան հմայիչ ազգեցում թիւն մը գործեր էր իմ վրաս :

* * *

Հայկական համատարած աղէտներու տարին՝ նախախնամական ձեռքեր վերցուցեր տարեր էին զինքը արիւնի ու դիակներու մէջէն :

Շուշան հազիւ հինգ տարեկան մանկիկ մըն էր տակաւին, երբ ստիպուեր էր զատուիլ իր խողխողուած մօրը լանջքէն, և ուրիշ գեռատի որբերու կարաւանի մը հետ՝ արհաւիրքի սև մղձաւանջի մը տակէն, ամբողջ շարթներ, լալագին, կողկողագին քալելէ, քաշկռտուելէ վերջը՝ օր մըն ալ Վոսփորի ավերուոն վրայ գտեր էր ինքզինքը :

Պոլիս այդ միջոցին կազմուած որբախնամ մարմին մը կ'ընդունէր Հայաստանէն զրկուած որբերը, առժամապէս պատսպարելով զանոնք ազգային հաստատութիւններու մէջ, սպասելով որ տեւական կարգադրութիւն մը ըլլար անոնց համար :

Կարելի չէր ամէնքն ալ Ս. Յակոբ կամ

Գալֆաեան որբանոցները տեղաւորել, այնքան բազմաթիւ էին անոնք : Եւ այդ առթիւ որբախնամ մարմնոյն կողմէ կոչ եղած էր բարեսէր հասարակութեան, որպէս զի փափաքողները փութային այս դժբախտ որբուկներէն գէթ մաս մը որդեգրել :

Տէր և Տիկին Սիրաքեան, Բերացի մեծահարուստ այլ ամուլ ամուլը, առաջինն էր եղեր պատասխանելու որբախնամ ընկերութեան այս դիմումին :

Առտու մը, Մարտիրոս էֆ. Սիրաքեան, իր տիկնոջ հետ, Ս. Երրորդութիւն եկեղեցին դացեր էր աչքէ անցնելու յարակից շէնքին մէջ հիւրընկալուած որբերը :

Քաղքենի զոյգը, որ այդ օրերուն Պոլիս տիրող գթութեան ընդհանուր խանդաղատումէն մղուեր էր հոտ, հոգեկան անսովոր ու աննախընթաց խռովքով մըն էր որ հըպումի կուգար հայրենի որբերու այդ ազի ողորմ շարքին հետ :

Տիկին Սիրաքեանի անարգաւանդ մայրութիւնը թունթ ելեր էր անտէրունջ մանկութեան այս կենդանի խմբապատկերին առջեւ :

Անիկա իր ամուսնոյն, Մարտիրոս էֆ. թեւէն բռնած՝ մէկիկ մէկիկ կը մօտենար թշուառ փոքրիկներուն, անոնց մագերը կը

չոյէր, երեսները կը գգուէր ու աչքերէն կը ծռէր կը համբուրէր մայրական անյագուորդ գորովի զեղումով մը :

Տիկին Սիրաքեան շուարեր մնացեր էր մանկական այսքան ողորմուկ գլուխներու բազմութեան առջեւ : Ասիկա չէր գիտեր, թէ ո՞ր մէկուն վրայ վճռէր իր ընտանիքը, և յաճախ իր էրկանը կը դառնար ու կը հարցնէր աղերսագին շեշտով մը .

— Ա՛խ, ըսէ՛, ո՞րը առնենք . . .

Որբուկները Սիրաքեան զոյգին կը նայէին, սպասումի անասելի արտայայտութեամբ մը, որուն մէջ որդեգրութեամբ բազդաւորուելու յոյսը չէր կարգար, այլ իրենց վերապահուած անձանօթ ճակատագրին անձկուտ մտահոգութիւնը : Անոնք, բազդին այդ խորթ զակընները, այնպէս մը սեղմուած էին իրարու, այնպէս մը արմուկ արմուկի տուած, որ կարծես բնա՛ւ պիտի չուղէին բաժնուիլ իրարմէ, դերագոյն զրկանքի այդ սգաւոր եղբայրակցութեան մէջ կարծես գտած ըլլալով իրենց միակ սփոփանքը . . .

Տիկին Սիրաքեան յանկարծ կանգ առաւ սիրուն աղջնակի մը առջեւ, գրկեց, վերցուց զայն մէկէն, ու Մարտիրոս էֆ.ին դառնալով գոչեց .

— Ա՛խ, աս առնե՛նք, նայէ՛, ի՛նչ աղուորիկ, ի՛նչ անուշիկ է . . .

Ու խելայեղ համբոյրներ սկսան ծածկել սահմուկած դէմքը պղտիկ Շուշանին, որ հեկեկալէն կ'արտասուէր Տիկին Սիրաքեանի կուրծքին վրայ . . .

Որբախնամ մարմնոյն հաւանութեամբ, Շուշան յանձնուեցաւ Սիրաքեաններուն, որոնք անմիջապէս հետերնին առին զայն, և իրենց բնակարանը փոխագրեցին :

* * *

Սիրաքեան ամուր իր հարազատ զակին պէս սիրեց ու մեծցուց Շուշանիկը :

Ասիկա որդեգրութիւն մը չէր, այլ ծընողական խանդակաթ պաշտում մը, որ իր ենթակային մատող էութեանը մէջ յաջողեր էր տակաւ ջնջել ահաւոր որբացումի մը յիշատակն անգամ :

Տիկին Սիրաքեանի գուրգուրոտ թեւերուն տակ՝ քանի տարիքն առեր էր Շուշան՝ այնքան նուազեր, նօսրացեր էր իր անցեալի խորքին վրայ արիւնի դժնէ բիծը, որ ա՛լ զրեթէ անհետացած էր հիմայ :

Քաղքենի բարեկեցիկ ընտանիքի աղջկան մը բոլոր առաւելութիւններովն օժտուեր էր

Շուշան: Խնամուած դաստիարակութիւն, բարեկրթութիւն, լեզուագիտութիւն, գաշնակեւն., բան մը չէր պակսեր իրեն, երբ չափահասութեան շրջանը կը թեւակոխէր, սիրալի գեղեցկութեան մը կազմաւորումին մէջ հրաշակերտուելով:

Անիկա գիտցեր էր գերազանցապէս իւրացնել քաղքենի ընկերութեան կանացի բոլոր պլըանքն ու հրապոյրները, ամէն շնորհալի շարժումներ ճկեր, վայելչութեան ամէն ծալք առեր էր. ու տիրականօրէն գարձեր էր օր մըն ալ՝ Բերայի մեր հաշտագիտի իգական հմայքոտ ու գեռափթիթ ծաղիկներէն մէկը:

Ընտանեկան ու ընկերական հաւտըմնեբու մէջ ամէնէն աւելի սպասուած փնտռուած, շրջապատուած գեղուհին էր այլեւս Օրիորդ Շուշան Սիրաբեան, որ երեկոյթներու, պարահանդէսներու մէջ Փիւռեօտ կընէր, ինչպէս կ'ըսեն աշխարհիկ լեզուով, և որուն շուրջ կը գառնային՝ գարպասոտ ու քծնի՝ Բերացի մեր բոլոր շիֆ երիտասարդները:

Բայց կնոջական ունայնամտութիւնը միակ յատկանիշն էր զոր Շուշան զանց ըրեր էր օրինակել իր սեռակիցներէն: Անիկա ժրպ-

տուն, այլ անտարբեր ու վերապահ դիրք մը կը բռնէր միշտ իրեն շուրջած ֆուրջիմաններուն, փաղարուջ վերաբերումին ու զըրուական ակնարկներուն առջև:

Իր եղերական մանկութենէն կարծես բան մը մնացած էր իր ներսիդին, անգիտակից այլ անպարտելի բնազդի մը պէս, որ զինքը կը բռնէր, կը կեցնէր սրտաշարժ խորհրդապահութեան մը սահմանին վրայ, ու իր նայուածքին մէջ կը դնէր վարանքի սա վրդովիչ հարցումը.

— Իրա՞ւ, ես ձեր աշխարհէ՞ն եմ... կ'ընդունի՞ք զիս ձենէ...

Բերայի լայն պողոտաներէն մէկուն վրայ, Սիրաբեան Մարտիրոս Էֆ.ի բնակարանին առջեւէն չէր անցներ փայլուն երիտասարդ մը որ իր գլուխը չի դարձընէր վեր, դէպի պատշգամբ, Օրիորդ Շուշանի շքեղ դիմաստուերը տեսնելու և անոր բարեւ մը արձակելու մարմաջով:

Բայց իրեն ուղղուած այս փութկոտ ու հետապինդ ուշադրութիւնը՝ փոխանակ հաճոյք պատճառելու իրեն՝ կը նեղէր զինքը: Եւ այդ պահերուն իր մօտ գտնուող մը դիւրաւ պիտի նշմարէր բոսորային երանգաւորումը զոր իր այտերը կ'առնէին, և որ կը մատնէր իր ներքին վրդովը:

Շուշան իր քաղքենի իգականութեան ամբողջ ձեւակերպումն մէջ չէր կրցեր թութափել բնաշխարհիկ ամսթխածութիւնը, որ չէս գիտեր ինչ մեղանուշ ու դիւթական շեշտ մը կու տար իր գեղեցկութեան :

* * *

Բերայի հայ հարուստ դասու ընկերական շրջանին մէջ, Օրիորդ Շուշան Սիրաքեանի յարուցած այս զգացական թունդ շահագրրգուածութիւնը եզր մը ունէր, սակայն, ուր ան կը մարէր, կ'իյնար գահափոփօրէն :

Մեր հռչ-շալճին կոկոզալիզ ու սիգապանծ երխտասարգները զմայլանքով կը մօտենային իրեն, իր շուրջը կը խպլիկնային, իր մով կը խանդավառուէին, իր ներկայութիւնը կը փնտռէին, բայց երբ իրենց զգացումները Շուշանին հպումէն կը մղուէին տարփական այն թափին, ուր քայլ մը միայն կը մնայ վճռելու համար կեանքի տեւական փարում մը, հո՛տ կանգ կ'առնէին շփոթած, գրեթէ սահմեկած, ու վիհէ մը խուսափելու պէս կ'ընկրկէին, դողահար, սա մտածումին առջեւ :

— Կարելի՞ էր միթէ կնութեան առնել այդ աղջիկը, որ որբ մըն մըն էր ծագումով . . .

Ասիկա զիջում մըն էր, որուն մեր խը-

րոխտ միւսիւնները պիտի չկրնային յանձնառու ըլլալ : Բնկերային ստորնացում մը, որուն իրենցմէ ո՛չ մէկը պիտի ուզէր ենթարկուիլ :

Ասոնցմէ շատեր այնքան փորձուեր, բռնուեր էին Շուշանի հմայիչ ազդեցութենէն, որ երկար ատեն բուռն պայքար մը մղել ստիպւեր էին իրենց ներսիւքին, ամբողջ գիշերներ տենդօտեր, գալարուեր էին այդ ներքին պայքարով, որմէ սակայն միշտ պարտուած դուրս եկեր էր իրենց սիրտն ի վերջոյ :

Ոմանք, պահ մը, հերոսաբար, որոշեր էին երթալ Շուշանի ձեռքը խնդրել : Բայց հազիւ իրենց մտադրութիւնը գործադրելու ելած, ետ կեցեր էին անկէ՝ ինքզինքնին անկարող զգալով խիզախել անցնելու ապատես ընկերութեան մը տխմար նախապաշարումներուն վրայէն : Քաղքենի ունայնամըտութիւնը, վերջին պահուն, կեցուցեր էր զիրենք ու զինաթափ ըրեր՝ իր ցաւագար ու անարգ նկատումներուն առջև :

— Կը վալէ՞, Գանդիւ՛մ, ո՞րք էր նե . . . Հա՞յրը, մա՞յրը ո՛վ էին արգեօք . . . :

Այս դժնդակ վերապահութիւնը ա՛լ աւելի զգալի եղեր էր Օրիորդ Շուշան Սի-

րաքեանի շուրջը, երբ Մարտիրոս էֆ. Սիրաքեան, առեւտրական ձախորդ ձեռնարկներու հետեւանքով, իր հարստութենէն մեծ մաս մը կորսնցուցեր էր: Դրամին անդիմադրելի շլացումը միայն պիտի կրնար Շուշանի մահաշուք ծագումը ծածկել իր շրջանակի ամուսնութեան թեկնածուներուն աչքին: Եւ հիմա դրամին հմայքն այ կը պակսէր իրեն . . . :

Շուշան, իր կանխահաս իմացականութեան զարթնումին մէջ, քսան տարեկանին չէր սպասեր, թափանցելու համար իր առջև ելլող հոգիներուն խորը, և ըմբռնելու՝ ամբողջ ողբերգական խորհուրդն իր շուրջը թաւարող կատակերգութեան:

Սկիզբները, քիչ մը ատեն, տարուեր էր ան իր կուսական անապակ զգացումներէն, քաղցր սարսուռներ, տարտամ համակրութիւններ ունեցեր էր այս կամ այն երիտասարդին հաճելի տպաւորութեան տակ: Բայց կեղծիքին գիտակցութիւնը չէր ուշացեր արթնցնել զինքը: Շուշան տառապեր էր՝ անդրադառնալով իր ցաւագին կացութեան: Իր առանձնասենեակին մենութեանը մէջ երկարօրէն մտածեր էր՝ ձեռքերը ծնօտին, ու իր աղուօր աչքերը լեցուեր էին: Ան իր ար-

դար հպարտութեանը մէջ խոցուած, վիրաւորուած զգացեր էր ինքզինքը: Բայց չէր ընկճուեր իր շուրջը քողարկուող լքումին ի տես: Ընդհակառակը, կտրիճ մղումով մը, ծուեր խնամքով գոցեր էր նախ իր սիրտը, ապա վեր առեր էր իր սիրուն գլուխը, և հայելին առջև անցնելով իր շրթներուն վրայ կեղծ ժպիտ մը փակցնելէ ետքը՝ գիմակաւորներու պարահանդէսի մը երթալու պէս՝ ցատկրտելէն դուրս ելեր էր սենեակէն, սանդուխներէն վար իջեր ու սրայօնը մտեր էր՝ օրուան հիւրերն ընդունելու, իր ճակատագիրն իր ձեռքովը վճռած էակի մը անսահման ինքնավստահութեամբը:

Անկէ ի վեր Շուշան սովորականին պէս զուարթ ու խնդումերես կ'երեւար ամենուն: Բայց հոգիի արհամարհօտ կղզիացում մըն էր իսկապէս զօր ան կ'ապրէր զինքն որդեգրող ընկերութեան մէջ:

* * *

«Միացեալ»ի պարահանդէսէն — ուր առաջին անգամ տեսեր էի զինքն ու իմացեր իր տրտում պատմութիւնը — հաղիւ տարի մը անցած՝ կրկին առիթ ունեցայ հանդիպելու Օրբորդ Շուշան Սիրաքեանին:

Բերայի շիտակին վրայ, Թագսիմի պարտէզը կամ այլուր՝ երբեմն դէմն կ'ելլէր ան, իրիկնամուտի խորհրդաստուեր ժամերուն, իր նազելի հասակն ու իր քայլերուն զզլխիչ կշռոյթը պատցնելով:

Իայց այս հանդիպումներէն վայրկենական տեսիլքի մը յիշատակը միայն կը մնայ ինծի:

Համակրական ու յարգալից բարեւի մը փոխանակումը, և ահա՛ նուազած, անհետացած էր տեսիլքը...

Կարծես ներքին անտեղիտալի զգացում մը կ'արդիւնէր զիս մօտենալու իրեն, կանգ առնելու պահ մը իր առջև ու իր որպիսութիւնը հարցնելու:

Ինծի կուգար, թէ պիտի չի կրնայի մերձենալ Շուշանին, առանց իր երեսն ի վեր զրուցելու եղբայրական ու սարսուռածին սախօսքերը, զոր իրեն ընելու մտերմական իրաւունքը ունենալ չէի յաւակներ:

— Աւելի աղէկ պիտի չըլլա՞ր, ո՞վ իմ անոյշ ու ցաւազին քոյրս, որ դուն անոք ու անտերունջ մնայիր քու մորթոտուած ծնողացդ դիակներուն վրայ... Աւելի աղէկ պիտի չըլլա՞ր, որ սա անսիրտ ընկերութեան գութը չորդեգրէր քեզի, որ քեզ, հէ՛զ

անդիտակ մանկիկ, փրկած չըլլային հայրենի ալէտքի փոթորիկէն, ու բերած քաղքենի այս ոսկեղօծ պերճանքին մէջ քու պայծառ հօդիդ յամրօրէն յօշոտելու... Դո՛ւն աւելի երջանիկ պիտի ըլլայիր քու կիներուդ արիւննազանգ գերեզմանին շուրջը... Սեւ ու չարաշուք գիշերը պիտի անցնէր, ու վաղորդայնին՝ անշուշտ՝ պիտի գտնուէին մէկ քանի վերապրող հարեւաններ, որոնք պիտի գային քեզ վերցնել արիւնի ու աւերի մէջէն... Անոնց մօտ դուն որբուրիկն պիտի չըլլայիր՝ որուն կը մեղմայ քաղքենի պիղծ գթութիւնը... Անոնք կորսնցուցած իրենց զաւկրներուն տեղ պիտի առնէին, պիտի սիրէին քեզի... Գեղին կեանքը մոխիրներու մէջէն յարութիւն պիտի առնէր հետզհետէ... Դո՛ւն հոն պիտի մեծնայիր, պիտի աղուորնայիր, և օր մըն ալ՝ աղբուրին ճամբան՝ պիտի հանդիպէիր առոյգ ու թիկնեղ կտրիճին, որ պիտի բռնէր քու թեւէդ ու աչքերուդ մէջ պիտի նայէր պաղատազին, մինչ դուն պիտի չիկնէիր գլխիկոր ու անձնատուր... Յետոյ գիւղական թափօրով ժամ պիտի երթայիր՝ ուր գեղուկ տէրտէրը պիտի օրհնէր ձեր հարազատ միութիւնը, որ ապա պիտի բեղմնաւորուէր ցորենի նուիրական դաշտերուն մէջ,

քաղուած, դիզուած խուրձերու անմահական շուքին տակ . . .

Չէ՛, այս խօսքերը չէի կրնար համարձակիլ ըսելու Օրիորդ Շուշան Սիրաքեանին, որ բանտարկեալն էր հիմնոյ քաղքենի մեր այլասերած ընկերութեան :

Ու ան առջեւէս կ'անցնէր կ'երթար, եւրագի մը պէս խուսափուկ, կարծես ստիպելով զիս իր ետեւէն արամօրէն ոգեկոչել ամբողջ աղետարշ գեղեցկութիւնը քրոջական նահատակուած սերունդներու . . .


Այդ յուզումի բոլորներուն՝ կը մըլուէի մտածել, թէ արդեօք նախասահմանեալ երեւոյթ մըն էր Շուշան, որ կը շրջէր մեր քաղքենի խորթացած համայնքին մէջ, յիշեցընելու համար մեզի Հայաստանի տառապանքը, Հայուն թշուառութիւնն ու Հայունհւոյն դժխեմ ճակատագիրը :

Ձինք որդեգրող դասակարգին երիտասարդ խամածիկները, սակայն, չէին թուիր կրել Շուշանի անձէն բղխող այս խռովիչ խանդաղատեցուցիչ աղդեցութիւնը :

Անոնք ձեռքէ ձեռք պիտի քաշէին զինքը, եթէ որ և է Կիրակոս Էֆէնտիի մը կամ Միսիս ֓ափաղեանի մը վաւերական հայրութիւնն ազատեցանէր անոր ծագումը՝ Բայց

չէին տեսներ, ողորմելինե՛րը, թէ ամբողջ ցեղի մը սուրբ ու յոգնատանջ մայրութիւնն էր զոր պիտի գրկէին Շուշանին մէջէն, ու չէին զգար ալ թէ՛ այդ գերազոյն մայրութենէն որդեգրուելով պիտի կրնային ձեռք բերել ճշմարիտ ազնուականացումը, զոր դրամն ու դիւքը չեն ի տար ստրկածին Հայուն, այլ՝ հաղորդութիւնը միայն ցեղային ցափն . . .

Օրիորդ Շուշան Սիրաքեան որբուհին կը մնար միշտ անոնց աչքին, Մարտիրոս Էֆէնտիի որդեգիրը, ու ապիւրատները չէին նշմարեր իսկ՝ զմայլելի այդ աղջկան մէջ՝ խաչուած Հայութեան արիւնէն ծլած Կարմիր Շուշանը . . . :



Յ Ա Ն Կ



	Էջ
Սայֆո	7
Արխանիկ յանախանիք	27
Բոյրը	45
Հացիկն ուժը	63
Զառակը	91
Պսոսարը	111
Կարմիր Շուշակը	129



Ստացված է
 20
 1912 թ. փետրվարի 22-ին





Հայաստանի Ազգային գրադարան



NL0439057

49878

